

72  
DISPUTATIONVM AD INSTITV-  
TIONES IMPERIALES

PRIMA

DE

FINE ET OFFICIO

ICTI VARIISQVE IV-

RIS SPECIEBVS

QVAM

IN ILLVSTRI IVLIA

A. D. T. O. M.

SUB PRAESIDIO

CLARISSIMI ET EXCELLENTISSIMI

VIRI

DN. IOHANNIS à FELDE V.I.D.

& Mathes. Prof. Publ. Dn. Præceptoris, Pa-  
troni ac Hospitis sui summâ animi reveren-  
tiâ atatem colendi

*Publicæ velitationi exponit*

IOHAN LOHMAN RIGA-LIVONUS

*Ad Diem Octobris.*

✽ (•) ✽


HELMÆSTADI

Typis HENNINGI MÜLLERI.

CICIDCLII.

16





INCLVTÆ RIGENSIVM REIP.  
EMINENTISSIMO

MAGNIFICIS, NOBILISSIMIS, AMPLISSIMIS  
CONSULTISSIMIS ET PRVDENTISSIMIS  
DOMINIS AC VIRIS

DN. BVRGRAVIO REGIO  
DN. CONSVLIBVS,  
PRÆTORIBVS, CÆTERISQVE EIVS-  
DEM ORDINIS SENATORIBVS  
SPECTATISSIMIS

PATRIÆ PATRIBVS VIGI-  
LANTISSIMIS

Studiorum suorum Promotoribus, ut sum-  
mis, ita submisso & perpetuo animi cultu  
venerandis

*Quò iis, quæ de singulis concepit, favoris & benevo-  
lentia nutrimentis eum prosequantur Exer-  
citiū hoc Academicum*

*de vobis inscribit.*

IOHAN LOHMAN.





DISPUTATIO I.

DE

FINE ET OFFICIO ICTI  
VARIISQUE IVRIS SPECIEBVS.

ex tit. 1. & 2.

**I**cti munus est leges interpretari: ad hoc enim Tit. omnia, quæ ad eundem pertinere dicuntur pr. referri possunt. Nam licet cum *Cic. lib. 1. de Oratore*, definire eum velis, virum bonum ad respondendum, agendum, & cavendum idoneum; nihilominus in interpretatione summam officij ejusdem collocabis: neutrum quippe horum sine eâ ritè absolvi potest. Quæ cum ita se habeant, finem ICTi Iustitiam esse necesse est, quatenus eandem per leges scriptas vel non scriptas consequi licet. Nam leges de Iusto præcipiunt. Quia verò Iustitia alia est perfecta & imperantium in optimâ Republ. propria, alia imperfecta quodammodo, quæ subditis inest. *Arist. lib. 1. Polit. cap. ult. & lib. 3. c. 4.* Quæritur haud immeritò, quænam harum ad ICTi considerationem spectet. Et sanè quia is legibus parentium Iustitiam propositam sibi habet; non perfectam illam, quæ virum bonum & perfectum reddit, dici potest intendere. Quò ergo de fine ICTi, qualis ille sit, nobis constet, operæ pretium erit utriusque iustitiæ differentiam ex Aristotele proponere. Differt verò imperantium Iustitia à Iustitiâ parentium, quòd illa conjuncta sit cum prudentiâ Operantis; hæc non cum propriâ seu operantis sed alterius, de quâ qui operatur habet bonam opinionem. Vti enim fortitudo Ducis à fortitudine gregarij militis secernitur quòd illius sit, de omniâ, qui sunt in exercitu, officio delib-

rarè; horum pròptam ad exequendum imperata voluntatèm habere: ita quoque in Monarchico statu principis est de ijs quæ ad salutem Reipubl. pertinent consilium suscipere, & singulis quæ facienda sunt præscribere. *Nov. 8. pr.* subditorum, promptam ad obsequium habere voluntatem. Qualis ergò sit iustitia quam ICTi intendunt, & quare Imperator h. cum Vlpiano *l. iustitia 10. ff. de iust. & iur.* eam per promptam & constantem voluntatem suam cuique tribuendi definierit, ex his constat. Constans voluntas dicitur, ob causas enarratas: additur **Suum cuique tribuendi**; quia leges de omnibus virtutibus præcipiunt, quatenus iisdem erga alterum versamur, i. e. singulis tribuimus, quod leges tribui iubent. His præmissis, quæstiones hinc moveri solitas, an sc. princeps solutus sit legibus; item an finis ICTi sit Iustitia Universalis vel particularis sine difficultate decidere licebit, modò breviter quædam ex Aristot. *lib. 5. Ethic.* de divisione Iustitiæ hinc nobis in mentem prius revocemus. Differre verò Iustitiam Universalem à particulari inde colligit, quòd iustus dicatur & is, qui secundum leges vivit, & qui si bene plus sumit, nec alteri minus tribuit. Cumq; secundum omnes virtutes vivere, & omnia vitia fugere leges præcipiant: Iustitia universalis est quiddam ex omnibus virtutibus constans. Iustitia verò particularis versatur circa bona externa, divitias sc. honorem &c. in quibus plus minus & æquale sumere licet; adeoque in acquirendo, amittendo & retinendo consistit. Hæc porrò Iustitia particularis vel in distributionibus vel in commutationibus occupata est. Commutationes aliæ sunt voluntariæ, aliæ invitæ; Voluntariæ sunt, quæ utrâque parte consentiente incuntur, ut mutuum, commodatum, depositum, emptio, venditio, locatio, conductio, &c. Invitæ fiunt alterutrâ parte invitâ & nolente, eæque sunt vel clandestinæ, ut furtum, adulterium, veneficium, falsum &c. vel violentæ, ut homicidium, rapina, verbera &c. Quæ in commutationibus versatur suum munus absolvit vel corrigendo, vel quid retribuendum sit investigando; illa *Προσποιησις* Aristoteli vocatur *lib. 5. Ethic. cap. 7.* & in processibus executivis cernitur, in quibus, postquam de debito constat, debitori quid detrahimus & credi-



creditori addimus; hac inquirimus quid quantumque in societatis commutativis sit retribuendum, & iustum, quod eo habitu Iustitiae producitur. *de virtutibus dicitur Aristoteli lib. 5. Ethic. cap. 2.* His enarratis, dicimus, Iustitiam esse Iustitiam Universalem. Nam idem & Iustitiae finis est, qui legum: Ex legum autem praeceptis probat Aristot. *lib. 5. Ethic.* Iustitiam universalem dari. At dicas, leges in Corpore Iuris Civilis comprehensas de commutationibus spontaneis & in vitiis tantum precipere nec ulterius progredi. Respondemus invitas commutationes non ex solâ iniustitiâ particulari, sed plerumque, ex Universali nasci. Nam adulteria, magis ex Intemperantiâ, quam ut maritus, adulteræ lædatur committi solent: ita iniurijs verbalibus & realibus mutuo se homines afficiunt ex vitio iracundiae. Vti namq; una virtus moralis, sine alterâ non est, si perfecta est. Aristot. *lib. 6. Ethic. cap. 6.* ita vltia solitaria esse non solent. Quamvis & fieri quandoque possit, ut adulter quis fiat non ex intemperantiâ, sed solâ iniustitiâ particulari. Aristot. *lib. 5. Ethic. cap. 4.* Quando ergo lex prohibet adulteria, nefarios & incestuos coitus, peccata sodomitica; hoc intendit, ut homines actiones, quæ ex intemperantiæ vitio proveniunt, fugere discant. Et ita in reliquis se res habet. Altera quaestio, cujus mentio antea fiebat, hæc est, an princeps sit solutus legibus. Et sanè Augusto hoc à senatu concessum esse, ut liber ab omni legum coactione viveret, testatur *Dio Cassius lib. 53.* & nostræ leges idem passim loquuntur. De hoc dubium quàm maximè est, quomodo legibus solutus princeps esse possit, cum tamen legibus convenienter vivere præ reliquis debeat, ut subditis bono exemplo sit. Responsio ex his, quæ à nobis posita sunt, apparet: Actiones enim ejus propriâ prudentiâ, subditorum alienâ, sc. principis reguntur, & sub vicoactivâ legum exsunt.

II. Perspecto fine Iustitiae cognitoq; ejus munere præcipuo; in quonam Iurisprudentiæ natura potissimū consistat inquirendum erit. Est enim Iurisprudentia habitus, quo quis instructus nomen Iustitiae consequitur. Non ergo errabimus, si Iurisprudentiam habitum concipiamus leges interpretandi: præferim cum nec hoc abhorreere videamus à definitione Vlpiani d. l. *Iustit. 10. §. ult.*

§. I.

*ff. de Iust. & Iur.* quam Imperator hic amplexus est. Nam cum leges Romanorum ante introductam religionem Christianam non modò de rebus humanis, sed etiam de sacris & sacerdotibus præciperent. *l. i. ff. de Iust. & Iur.* ICtos & humanarum & divinarum rerum noticiam habuisse sequitur, quatenus sc. de ijs leges latæ fuerunt: unde nonnulli dicunt, verba *Iusti atq; iniusti scientia* restringendi causâ in definitione adjecta esse, quasi diceret ICtus, eatenus rerum divinarum & humanarum noticiam ad Iuris peritum pertinere, quatenus in ijs iustum locum habet, i. e. quatenus leges, quas ille interpretatur, de his aliquid præcipiunt. Hinc testatur Cic. *lib. 3. de Orat.* ad ICtos, qui pontificum officio fungebantur de omnibus divinis & humanis relatum esse, item *lib. 2. de LL.* pontificem neminem bonum esse dicit, nisi jus civile cognoverit. His positis, ut porrò in naturam Iurisprædentiæ inquiramus, & qualis habitus sit perspiciamus; operæ pretium erit, quàm varia sit interpretatio, enarrare. Faciunt autem Ddres interpretationis genera quinque; suntque 1. Interpretatio declarativa 2. Intellectiva 3. Restrictiva. 4. Extensiva 5. Correctiva. Mantic. *de tac. & amb. convent. lib. 1. tit. 16. n. 6. & seqq.* Explicativa mentem legislatoris ex verbis velut signis conceptum eruit, tollendo obscuritatem, quam homonymiæ, metaphoriæ, amphiboliæ &c. pariunt. Nam cum leges scriptæ verbis proponi soleant, sintque nihil aliud quàm orationes conceptum legislatoris repræsentantes; eos etiam defectus quandocunque habebunt, quibus oratio laborare solet. Sunt verò dux obscuritatis causæ in legislatore; studium elegantix & negligentia in definitionibus nominalibus præmittendis, sive fingendæ sint novæ voces, sive antè excogitatis in aliâ quàm receptâ materiâ, ob rerum copiam, vocumque penuriam, uti necesse sit. Nam dum elato sermonis genere, quod in monarchijs fieri solet, utuntur legesatores, obscura fit oratio & ob multas metaphoras interdum planè ænigmatica. Aristor. *lib. 3. Rhet. cap. 2.* Quia verò obscuritas in omni oratione vitanda est propterea, quòd virtus ejusdem sit perspicuitas; multò magis id erit observandum à legislatore, cujus orationem perspicuam esse totius interest civitatis; vitatur autem, si humili dicendi

dicendi genere utatur, & definitionibus nominalibus voces homonymas declaret, præsertim sicâ in significatione eas usurpet, quæ rarior est, nec aliunde colligi possit: solemus enim homonyma per id, quod frequentius significant, interpretari. Interim si hæc à legislatore observata fortasse non sint, faciet bonus interpret, quæ hac in parte ad munus ipsius pertinent. Primò dabit operam ut homonymias probè distinguat: ad quod perficiendum regulæ sequentes conducunt, quas maximam partem ex Aristotele *lib. 1. Topic. cap. 13.* deprompsimus. Tradit autem Philosophus in homonymijs investigandis conducere, contraria speculari: accidit enim, quamvis duobus idem nomen sit impositum, ut tamen eorum contraria habeant sua peculiaria nomina: si ergò uni diversa contraria opponuntur, indicium est vocem æquivocam esse: Ita TACITUM in Iure nostro æquivocè sumitur: modò enim ei opponitur VERUM; modò quod VERBIS AUT LITERIS EST EXPRESSUM: Vnde colligimus TACITUM, modò pro ficto, modò pro eo, quod aliunde quàm ex verbis & scripturâ petitur, sumi. Et quamvis contingat, contraria quoque eandem vocem habere, potest tamen quandoque ex consideratione contrarij homonymia addisci v. gr. Quamvis Ddres NUDO FACTO contrariè opponant VESTITUM, non aliter ac nudo homini vestitus contrariè oppo ni solet: si tamen, quid in pacto VESTITUM sit consideremus, sine difficultate colligere possumus, NUDUM esse æquivocum, nec id significare in pacto, quod significat in homine nudo. Præterea cùm eadem res non possit sibi contrarium, & non contrarium, aut mediatum contrariū & immediatū, aut uno medio interjecto & pluribus interjectis simul habere; sequetur, si id deprehenderis, voces, quibus contraria illa significantur, æquivocas esse v. gr. LATO in culpâ nihil est contrarium, quia culpa levis à latâ magis gradibus differre videtur; at lato territorio angustum opponitur. LATUM ergò esse æquivocum inde constat. Deinde cùm opposita negantia tum contraria privantia inspicere debent: Sæpè enim ex privantibus & negantibus ad homonymias perveniri potest. Si INIUSTUM est æquivocum, etiam IUSTUM æquivocum esse colligere licet. Hoc enim medio utitur Aristot. *lib. 5. Ethic.*



*Ethic. cap. 1.* Eadem est ratio in conjugatis & casibus: si enim unum conjugatorum multis modis dicitur, etiam alterum tale esse solet. Si iustus multis modis dicitur, etiam iustitia, Si obligatum esse plura significat, sequitur & obligationem vocem homonymam esse. Medium investigandi homonymias & hoc est, si definitiones rerum investigare conemur: quod si enim idem diversa genera habere deprehendamus, homonymiam subesse indicium est. Sic tutelam Servius definit per potestatem *l. 1. pr. de Tut. At l. 1. §. aequè 4. de Muner. & honor.* inter munera refertur, & quidem personalia: Unde colligere licet, subtiliter loquendo tutelam homonymum esse. It. Quando unum idemque genus modò has modò illas fortitur differentias; indicium est, homonymum illud esse. Utile quoque est vocem cum alijs multis conjungere, & in conjunctis definitiones querere: ita enim constabit de significatione vocis, an eadem an diversa sit v. gr. si dubites de voce nubum; jungas eandem alijs & quæras definitiones ex contextu Iuris: ita dicitur nuda repromissio *l. si dictum 56. de Evict.* nudus consensus *l. non nudo 3. C. de Emancip.* nuda venditio *l. nuda 55. de Contr. empr. nuda traditio l. nunquam 31. de acq. rerum don.* Hæc quid sint, si perpende- ris, ad significationes vocis nudum, an sint diversa nec ne, pervenies. Sic v. gr. Si homonymiam vocis utilis investigare velis, sumas utilem actionem, utile dominium; utile prædium, & quid sint investigates, dabunturque significationes vocis utilis. Hæc conjunctio vocum efficit, ut & per comparationem institutam conjecturam de homonymia facere possimus. Ita officium Ius dicentis dicitur latum, & culpa dicitur lata. Si culpa lata cum lato jus dicentis officio non potest comparari. v. gr. Si dicere non poteris, officium Ius dicentis latius hac vel illâ culpâ latâ; indicium est, homonymiam subesse. Verùm de his accuratius differendi alibi locus erit. Quod attinet ad metaphoras; necesse est, sicubi ex ijs obscuritas oritur, ut proprias voces substituamus. Id ut perficiamus, conducet haud parùm nosse metaphorarum species enarratas ab Arist. *lib. de re Poët. cap. 21.* nimirum, quod sint vel à genere ad speciem vel à specie ad genus, vel à specie ad speciem

(v. gr.



(v. gr. quando Imperator dicit *in proemio Instit.* Imperatoriam Majest. non solum armis decoratam, sed etiam legibus armatam esse oportere: transferuntur enim mutuò hæ species DECORATAM ET ARMATAM) vel tandem ab analogiâ. Et hæc ultima species elegantissima est & frequentissima quâ Iura nostra etiam in definitionibus utuntur, v. gr. quando obligatio definitur, quod sit vinculum &c. Vt verò has metaphoras & rationes earum promptè reperire possis, crebra exercitia instituenda sunt in inveniendis similitudinibus, quæ vel hoc modo fiunt: ut hoc in illo ita aliud in alio. Vti se habet tranquillitas in mari, ita pax in Republ. it. secundò: Vt hoc ad illud ita aliud ad aliud: uti se habet pater ad filium, ita Rex ad subditos, sit ergò metaphora, si regem nominas patrem. Vtile præterea est, ad metaphoras in universum promptè investigandas, à teneris ad ænigmata resolvenda assuefieri: Ænigmatum enim difficultas ex metaphoris longè petitis nascitur. Verùm quia ejusmodi interpretatio p̄pria Icti non est, licet eidem interserviat; relicta hæc de reliquis interpretandi modis aliquid subijciemus, ut ex ijs Icti habitus innotescat.

III. Quid Intellectiva interpretatio sit, non satis ex Ddribus conjicere possumus; cùm tamen, ut in seqq. patebit, ea fundamentum sit reliquarum interpretationum. Mentem legis quod hæc interpretatione investigatur nominare solent: Vnde distinctio illa nata est, inter mentem & verba legis, quæ & in jure nostro occurrit. *l. scire oportet 13. §. aliud 2. de Excus. Tutor.* ubi innuitur, si reperiatur mens legislatoris alia à sensu quem verba habent, mentem præferendam esse: adeoque potiore hujus quàm declarativæ interpretationis esse rationem habendam. Vnde autem haurienda sit illa interpretatio, obscurum adhuc esse videtur. Solent Ddres dicere, considerata esse varia adjuncta & circumstantias ex quâ intentione processerint, & intentionem illam cum sensu verborum, quem declarativa interpretatio producit, conferendam esse. Alij dicunt consilium legislatorum spectandum esse. Nos ea, in quibus natura hujus interpretationis consistit, ita investigare conabimur. Notum est, legislatorem, quando leges præscribit, uti prudentiâ, quam

quam legislatoriam vocamus. Et cum prudentia sit habitus, quo bene consultamus de medijs in nostrâ potestate constitutis ad bonum obtinendum: necesse est legislatorem, quando leges condit, deliberare de propositionibus Vniversalibus, quæ si à civibus vel partibus societatis alicujus, cui præscribuntur, in actionibus adhibentur, cum totam societatem, tum per hanc singulas partes felices & beatas reddunt, siue simpliciter siue ex hypothesi. Certæ ergo civitatis vel societatis salus & felicitas finis est legislatoris, quem quomodo & quibus præceptis vivendi eum consequatur cogitat; aut si plures sint modi ad finem perveniendi, quis horum facillior sit. Quid ergo sit, quo posito finis ille ponatur, deinde quâ viâ iterum ad illud perveniatur, & quâ iterum ad hanc, donec ad primum perveniatur, quod in nostrâ potestate est, legislator inquirat. Est enim consultatio, teste Aristot. *lib. 3. Eth. c. 5.* similis resolutioni problematis cuiusdam mathematici. v. gr. Si de tutelâ leges ferendæ sunt, ita progreditur legislator: quo posito salvus erit pupillus pef tutelam? si attendatur, ne ullo modo damno, à tutore affici possit. quo posito hoc dabitur? si præcaveatur, ne tutor lædat pupillum, aut si læserit clam, ut illud patefiat & restituere ablatum cogatur. quomodo illud ut præcaveatur læsio impetrabimus? si initio administrationis iuramentum tutor præstet. it. si à magistratu pœnis deterreatur, infamiâ sc. aut alijs doloribus, quos dum fugit, ritè suo munere fungitur. Quomodo læsio clam facta patefieri poterit? Si singulis annis tutor rationes reddat. Quomodo hoc obtinebitur? Si magistratus prudentes singulis annis exigant easdem. Et hoc modo Prudentiæ Legislatoris has producit leges, MAGISTRATUS SINGULIS ANNIS À TUTORIBUS RATIONES EXIGANT IT. TUTORES INITIO MAGISTRATUS IURATORIAM PRÆSTENT CAUTIONEM &c. Ex his manifestum est, quænam ad intellectuam interpretationem pertineant. Vti enim legislator à posito fine ad media; ita Interpretes à medijs ad finem legislatoris, quem ipse intendit, progreditur; quem quando invenit, illud quod legislatoris mens actu secundo tunc fuit, cum legem ille conderet, nactus est. Ut verò à medijs ad finem progrediaris, condu-

conducat de ultimo fine conjecturam capere; & tentare, an per intermedios fines ad eum pervenire liceat: quòd si enim ad eum devenimus, certitudinem quandam simul de Intentione legislatoris consequemur. Hac interpretatione qui sapius utitur, legislatorium habitum sibi parat: dum enim à medijs ad fines varios sæpè progreditur, attenditque quibus ad eos obtinendos medijs alijusi fuerint, ipse ex fine ad media similiter progredi discit. Hinc legumlatoribus peregrinationes conducunt, ut variarum gentium leges addiscant, quò medijs varijs instructi, eligere ea possint, si similes fines offerantur. Interpretibus autem utile est, historiam Civitatis illius, cujus leges interpretantur, nosse; quò quæ singulis temporibus intenderint legislatores scire possint. Ex his patet, quando mens legis sensui verborum sit præferenda: si sc. nihil appareat, cujus gratiâ talis lex lata sit, aut incommodi quiddam inde deduci possit; adeò, ut sensu, qui ex verbis colligitur, posito, sequatur legislatores vel nullius vel incommodi gratiâ legem tulisse.

IV. Extensiva interpretatio est, quando legem de certo casu quid definientem applicamus ad alium casum, qui in eâ expressus non est. Absolvitur hæc interpretandi ratio duobus modis, quorum primus est firmissimus, & ex ratione legis petitur: ubi enim militat parratio, ibi & par jus esse necessarium est. Vocatur hæc interpretatio processus ad similia, *l. non possunt 12. ff. de LL.* sunt enim similia, quæ eandem rationem habent. Hæc in genere de interpretatione extensivâ dicere possumus, breviter quidem sed inmensi ponderis. Nam singulorum legum rationes investigare infiniti laboris est; præsertim cum nec omnium ratio dari possit, sed aliquando in medio opere subsistendum sit. Dependet tamen, uti apparet, hæc interpretatio ex præcedenti. Exemplum illius elegans est. *infr. tit. de legit. patron. tut.* Vbi ex ratione legis 12. Tabb. quæ proximum agnatum tutorem constituit, deciditur, patronum sui liberti impuberis tutorem esse debere. Quænamque ratio est, in proximo agnato subeundi tutelam, commodum sc. hæreditatis, ea & in patrono militat, qui liberti impuberi ab intestato succedit; Vnde & onus tutelæ eum sentire iustum



est. Alter modus minus certus per regulas dialécticas absolvitur  
v. gr. à contrarijs: Si enim lex unum contrariorū præcipit, alterū  
prohibet: Si parentibus benefacere; præcipit, prohibet male-  
facere. it. Cum contrariorum contraria sint consequentia, si  
de uno contrariorum lex quid præcipit, de altero ejus contra-  
rium præcipere videtur. Eadem est ratio in relativè & privativè  
oppositis: Relativè enim oppositorum relativè opposita solent  
esse consequentia, quamvis, ut ab initio monui, hæc firma non  
sint: si enim lex præcipit amicis esse benefaciendum; non inde  
per interpretationem extensivam licet inferre, inimicis ma-  
lefaciendum esse. A conjugatis & casibus quoque argumen-  
tum extensivum peti potest: quod enim de contrariis præ-  
cipitur, id ad contrahentes pertinet; quod de fortitudine di-  
citur, id ad fortes spectat. Ab ortu: Cujus enim ortus fore-  
tur & in bonis habetur, illud quoque bonum est, cujus verò  
interitus in numero rerum bonarum habetur, illius ortus cen-  
setur prohibitus &c. A causâ. Cujus enim causa producat,  
quâ talis bona habetur, illud quoque bonum habendum esse  
inde sequitur. A majori ad minus & contrâ: Si enim legisla-  
tor prohibet, quod prohiberi posse minus verisimile est, etiam  
censetur prohibere voluisse quod magis verisimile est: Et si  
non prohibet magis verisimile, etiam non censetur prohibere  
minus verisimile. Ex adjectione ita: Quod accedens vitioz  
actioni pœnam aggravat, illud per se vitiosum est, & pœnâ di-  
gnum. Quod accedens negotio facit illud vitiosum dici, cum  
vitiosum non esset, vitiosum est. vid. plura apud Aristot. *lib. 2.  
& 3. Topic.* Sed uti dixi hæc argumentationes in verisimilitu-  
dine consistunt.

V. Restrictiva interpretatio nascitur ex quâdam legum im-  
becillitate, quam unde habeant & qualis illa sit, ita licet perspi-  
cere. Ponimus legem esse quandam propositionē Universalem,  
quam subditi adhibere debent in syllogismis prædicis, sumen-  
do sub eâdem singularia circa quæ operantur: Fit enim con-  
clusio ex his præmissis illata actio, quam justam & legibus  
conformem vocamus: Et hinc lex regula dicitur Iustorum  
& Injustorum; dum enim eam loco Majoris ponimus in syllo-  
gismo



gismo practico, & sub subjecto ejus quid subsumimus, quod  
 que dicitur conclusio illata operamur, velut regulâ quâdam  
 actiones nostras cāmetimur, & exploramus quid iusti vel iniusti  
 insit. Hoc posito, cūm omnis propositio sit vel de Inesse seu  
 absoluta, ut eam Logici hodiè vocant, vel de necessariò inesse,  
 aut de eo quod contingit inesse. Aristot. *lib. 1. prior. cap. 2.* Se-  
 quitur leges ad harum specierum aliquam pertinere. Verūm  
 propositionum absolutarum scientiæ nullam habent rationem,  
 sed omnis præceptor vel per necessitatem vel per contingen-  
 tiam debet tò inesse in propositionibus determinare. Nam  
 prout prædicata insunt subjectis, ita speculari & comprehendere  
 quoq; eadem debemus. Insunt vero alia ex necessitate non eā  
 quam coactivā vocamus, de hac enim nunc sermo nobis non est,  
 sed quæ ita dicitur, quòd prædicatum non contingat aliter inesse;  
 alia insunt non ex necessitate, sed ut plurimū inesse contin-  
 gunt. Quæ verò nec semper, nec ut plurimum insunt, sed æquē  
 inesse ac non inesse possunt, mera accidentia sunt, nec ad scien-  
 tiam ullam pertinent; eūm quæ ut plurimū accidunt sub sci-  
 entiam cadant, dicanturq; aliquam necessitatem, licet non per-  
 petuam, habere. Aristot. *lib. 1. prior. cap. 12.* Ita hominem cri-  
 spos capillos habere sub scientiam non cadit; quia hoc homini  
 nec necessariò nec ut plurimum inest. Quia ergò nemo quic-  
 quam discere potest mediantibus universalibus, nisi universa-  
 les propositiones per id quod semper vel ut plurimum inest de-  
 terminentur. Aristot. *lib. 6. metaph. cap. 3.* Necessè est subditos,  
 quiactiones legibus velut universalibus propositionibus dirin-  
 gunt, concipere eas vel ut necessarias, vel ut contingentes in  
 quibus prædicata subjectis plerumque insunt. At non omnes  
 leges necessariæ propositiones esse possunt, ob materiæ, circa  
 quam versantur, incertitudinem. Aristot. *lib. 3. Ethic. cap. 14.*  
 unde Theophrastus *l. Iura 3. de LL.* dixit, Iura constitui oport-  
 ere in his, quæ *ἐν τῷ πλείστον* i. e. ut plurimū accidunt, non  
 quæ *ἐν παντὶ*. Legislatores enim non tales propositiones  
 præscribere debet, in quibus deprehendit prædicatum rarò sub-  
 jectio accidere; sed in quibus ut plurimum inest. τὸ δὲ ἀπὸ τῆς  
 ἀνάγκης τῆς κοινῆς νομοθεταί, ait idem *l. 6. eod.* Ex his patet quæ sit ratio

imbecillitatis in legibus & qualis illa sit: nim. quia leges tutò omnibus casibus, propter materiæ incertitudinem, applicari nequeunt, sed necesse est, ut quandoque ab iisdem certis in casibus ob circumstantias recedatur, imbecillitatem quandam habent, cui quando & quomodo succurrendum sit perspicere ad Ictum pertinet, qui mediante restrictivâ interpretatione hoc absolvit, legem, quæ ad casum præsentem applicari nequit, vel limitando, vel planè omittendo & novum ius, sicubi opus est, substituendo. Ut rem exemplo declaremus. Casus talis est. Titius occidit Stichum Mævij servum, à quo in publicâ viâ impediatur. Mævius adversus Titium agit ex *l. 2. ad L. Aquil.* ita argumentando. Qui servum alterius occidit, tantum solvere debet, quanti plurimi præcedenti anno valuit. *d. l. 2. ad L. Aquil.* Titius occidit servum meum.

E. Titius tantum debet solvere, quanti plurimi servus occisus valuit præcedenti anno. Summa nascetur hic injuria, si iudex Titium ad id, quod Mævius petit, condemnare velit. Nam cum aliâ lege concessum sit latronem impunè occidere; ad pænam illam, quam exigit Mævius, Titius non tenebitur. Recedere ergò à *d. l. 2. ad Leg. Aquil.* tenebitur iudex & aliud quippiam pronunciare. Idq; mediante sit interpretatione, quam restrictivam vocamus. Cæterùm beneficio hujus restrictivæ interpretationis æquitatem obtinemus: ut enim breviter dicamus, æquitas nihil aliud est, quàm jus, quod ex restrictivâ interpretatione in casibus certis adhibetur. Nam quando lege generaliter locutâ aliquid evenit postea, cui lex applicari nequit, adeoque administrator legis id corrigit, æquè ac legislator fecisset, si fuisset præsens, æquum nascitur. Vnde & illud definit. Aristot. *lib. 5. Ethic. cap. 14.* quòd sit legis correctio, quâ aliquid ei deest, propterea quòd generaliter est locuta. Ex his etiam apparet, quare leges solæ imperare nequeant, quia ob suam imbecillitatem indigent administratore, qui, quando opus est, easdem corrigit. Aristot. *lib. 3. Polit. cap. 11. in fin. & cap. 16.* Est verò eorum, qui leges administrant, potestas modò laxior, modò restrictior: restrictiorem voco, quando non nisi ex alijs legibus correctionem administratores legum instituere

tuere possunt. v. g. si non posset corrigi cit. l. 2. ad L. Aquil. nisi  
alia lex quædam lata esset, quæ admitteret, impunè latrones  
occidi posse. Laxior potestas est, quando administratoribus  
concessum est pro suâ prudentiâ leges scriptas corrigere non  
adhibita aliâ lege scriptâ vel consuetudine. Hanc laxiorem  
administratorum potestatem dissuadet Aristot. lib. 1. Rhet. cap. 1.  
& ut evitetur, jubet quàm plurimas leges scribi; hoc enim fa-  
cto, obtineri potest, ne iudices multarum rerum *κρείοι* fiant i. e.  
ne pro suo arbitrio leges corrigant magisque quàm leges impe-  
tent. Generi isti interpretandi affine est, quod correctivum  
vocant. Nam restrictivum certis in casibus tantùm ab hac vel  
illâ lege abit, manente lege illâ nihilominus salvâ, ut si in alijs  
concurrentibus casibus adhibeatur & vigorem suum retineat.  
At hoc, quod correctivum dicitur, legi aliquid ita detrahit, ut  
hec communiter amplius ea valeat. Accidit enim, ut legisla-  
tores ex hypothesi, & exigente id necessitate, certo aliquo tem-  
pore legem condere teneantur, quæ cessante postea sine & cu-  
jus gratiâ lata est, nullum habet usum. Sunt præterea legisla-  
tores velut architecti: uti enim hi, licet summi sint artifices, sæpè  
tamen errores in exstructione ædificij committunt: quos suc-  
cessu temporis ab inhabitatoribus etiam impetitis observare  
licet: ita & in legibus quandoque à prudentissimis legislatori-  
bus latis, successu temporis, plus incommodi eas afferre civi-  
tati quam commodi, deprehendere licet. Atque tunc pru-  
dens legum administer, adhibita interpretatione correctivâ,  
recedere à scriptâ lege tenetur. Hoc interpretandi genus, uti  
prætores liberâ Repub. sibi proprium in civilibus faciebant,  
propositis suis edictis seu legibus annuis; ita tempore monar-  
chiæ ad Imperatores translatum est, magis enim ad legislatore-  
rem quàm interpretem pertinet.

VI. Est & aliud Interpretandi genus Summistarum pro-  
prium ex scriptis legibus summas i. e. propositiones Vniversa-  
les colligentium, quibus in negotijs humanis uti licet. Nam  
cùm Digesta maximam partē contineant Ictorum interpreta-  
tiones, Codex vero ea, quæ Imperatores de singulis casibus in-  
terrogati responderunt: Enunciationes, prout in syllogismis,  
prædicis



præcæcis adionibus applicandæ veniunt, rarò inveniuntur. Quapropter opus est, ut interpretes ex textu ejusmodi propositiones eruant. Ad quod perficiendum conducunt præcepta analytica, quæ Aristot. habet *lib. 1. prior. cap. 32. & seqq.* Debet enim interpres instructus esse arte Syllogismos, quibus Icti & Imperatores frequentissimè utuntur, in figuras resolvendi. Nam quando de singularibus loquuntur, ratiocinationes circa illa facit legem nobis suppeditabunt: Major quippe propositio in primâ figurâ semper summa legis erit i. e. propositio Universalis alijs casibus, qui subsุมi possunt, applicanda. Ad hoc autem perficiendum necesse est, ut id investiges, de quo textus aliquid concludit: tum annitendum est, ut consequaris duas propositiones, in quarum unâ contineatur id, de quo aliquid statuitur; in alterâ, id quod de, illo dicitur. Et quia sæpè fit, ut alterutra sit omissa, necesse erit eam supplere: an autem major vel minor propositio desit, ex subiecto & prædicato conclusionis, quam uti dixi, primùm omnium investigare convenit, manifestum fiet. Interdum autem magna hic oritur difficultas, si syllogismis polysyllogismi immixti sint, & in singulis propositio aliqua sit omissa: difficile enim tunc est, omnia debito modo supplere. Et tunc si hoc fiat, plures ex uno textu summæ proveniunt. Ad rationem conficiendi summæ & hoc pertinet, ut attendamus, an Universales propositiones, quæ vel in ipso textu habentur, vel mediante analysi eruuntur τὸ πρῶτον καὶ ὅλως contineant, i. e. an prædicata de Universalissimo subiecto dicantur cui inesse possunt: tentandum enim est, si hoc desit, ut illud investigemus. v. gr. Si infans stipulari prohibetur, videndum, annon sit quippiam Universalius cui idem denegatur. Quod ita obtinebitur, si fortasse idem prædicatum de aliquo alio alia lex enunciet v. gr. de furioso: sumpto enim, sub quo & furiosus & infans comprehenduntur, & probè perpenso, an ei omni idem prædicatum competat, habebimus universalius subiectum. Et ita progredi convenit, quousque fieri potest. Sic v. gr. ex *l. si quis 4. De rebus cred.* Ddres communiter talem summam colligunt: Deposita pecunia ad hoc, ut aliquando depositarius eam mutuat habeat, periculo depositarij



Itarij est. Bartolus verò ulterius progreditur subiectum substituendo universalius in hunc modum: Depositum gratia depositarij periculo ipsius est. Conducit autem nosse universale primum ad maiorem certitudinem applicandi leges ad singularia i. e. interpretandi. Nam omnibus, quæ sub illo universalissimo subiecto continentur, prædicatum per illud inest, quod negligentes sæpissimè aberrare convenit. Tum verò & memoriz consuitur; quia facilius est propositionem unam addiscere, & quæ sub subiecto, universaliori continentur subsumere, quàm neglecto eo in singulis sub eo comprehensis id facere.

VII. Ex his enarratis licebit colligere, qualis habitus sit Iurisprudentia: modò ex officijs Icto attributis, sumamus ea, quæ ipsi quàm maximè sunt propria. Nam explicativa interpretatio, item summarum investigatio non ejusmodi habitu, qui Icti proprius sit, perficiuntur. Quia verò reliquæ interpretationes in intellectuivâ fundatæ sunt, necesse est, eam perpendere, & consideratis prudentiæ speciebus ejusque affinibus habitibus videre, quorsum Iurisprudentia sit referenda. Nam cum ea sit habitus, quo in actionibus humanis debito modo versamur, vel species quædam prudentiæ erit, vel habitus prudentiæ affinis. Species prudentiæ has enumerat Aristoteles *lib. 6. Eth. cap. 8. 1.* Legislatoriam, quâ huic vel illi civitati aptas convenientesque præscribimus leges. 2. Civilem, quâ in consultationibus utimur, quando an hoc vel illud salutare Reipubl. sit nec ne quæritur, v. g. annunc bellum gerendum sit, an pax facienda. Et licet legislatoria prudentia quoque civilis vocari possit; hæc tamen, quâ in consultationibus & judicijs utimur, nomen hoc κατ' ἐξοχήν habet, propterea, quòd legislatoria prudentia, quoad hoc tantum, quatenus huic vel illi civitati leges præscribit, in singularibus versetur, (quâ in re à scientiâ civili differt, quæ in universum quibus civitatibus quales convenient leges speculatur) ipsæ verò leges, quæ mediante eâ feruntur universales propositiones existant: sunt namque leges communia præcepta. *l. 1. ff. de LL. & generaliter concipiuntur l. Iura. 1. cod.* Quia verò prudentia in hoc posita est, ut singularium magis sit: merito ea prudentiæ species, quæ tota in singularibus

ad civitatem pertinentibus occupata est, nomen civilis prudentiæ secundum excellentiam habebit. 3. Oeconomicam, quam simpliciter prudentiam appellare solent, quemadmodum præcedentem speciem absolute civilem vocari dicebamus. Hoc exinde est, quod vulgus cum solum prudentem esse existimat, qui quod sibi salutare & bonum est querit. Porro Civilis prudentiæ duæ iterum sunt species: consultatrix sc: & Iudicatrix, quarum natura ex ipsis nominibus satis manifesta est. Quærenti ergo, ad quam speciem prudentiæ Iurisprudentia pertineat, fortasse in promptu esse, quod respondeatur, existimare quis posset, nim. ad prudentiam iudicatricem eam referendam esse. At si rem rectè perpendimus, prudentia Iudicatrix non poterit proprius Icti habitus dici, licet Ictus præ alijs hanc prudentiam sibi facilius parare possit. Idque ex Romanorum Iudicijs cognosci potest: quæ enim Iudex Pedaneus faciebat, propriè ad Iudiciariam prudentiam pertinebant; quod verò ad prætoris munus spectabat, Ins dicere, formulam præscribere, & quo pacto ex narratâ actione & attentis exceptionibus leges limitandæ sint nosse, Icti officio juvari poterat. Vnde &, si difficultas in his oriretur, Icti consulentibus respondebant. Hæc cum ita sint, ad nullam speciem prudentiæ habitus noster rectè referri poterit, sed annumerandus erit habitibus affinibus prudentiæ, quorum duos enarrat Arist. lib. 6. Ethic. cap. 12. *οὐσίαν* nim. & *γνώμην*. Et *οὐσίαν* quidem in ijs omnibus versatur, in quibus & prudentia; neque tamen idem quid cum prudentiâ est. Nam prudentia imperativa est, & ejus propria à quo velut primo fonte promanat; *οὐσίαν* verò dijudicativa est eorum, quorum prudentia imperativa existit. Videturque hæc habituum differentia simili hoc commodè declarari posse; quemadmodum enim inscientijs præceptoris estimationes & causas invenire, per quas affectiones de subjectis demonstrantur; auditoris verò rectè de ijs judicare: ita prudentis est consultando salutaria invenire; ejus verò, qui *οὐσίαν* habet, de prudenter inventis rectè judicare, & intentionem inventorum perspicere. *Τῶν μὲν* definit Aristoteles judicium de æquitate, quando sc. restrictâ aliquâ lege, aliud quiddam, quàm quod præcisè in legibus continetur,

ur, pronunciat, & de hoc factō rectum quis Iudicium ferre  
potest. Quod si hæc perpendimus, non dubitamus asserere, ha-  
bitum ICTi proprium esse *αὐτοκρατορ*, quā instructus de ijs, quæ per  
prudentiam legislativam ab alijs inventa sunt, rectè iudicat, &  
promptè causas & rationes legum conjicit. Ita enim fit, ut  
corrigere legem possit & pronunciare æquè ac si ipse Legislator  
esset præsens. Sed quæritur, quā de causâ ICTi novis legibus  
condendis adhiberi soleant, cum legislativa prudentia ipso-  
rum propria non sit, sed habitus, qui ad legislativam pruden-  
tiam se habet, quemadmodum id ex quo bonus quis discipulus  
æstimatur ad habitum, ex quo bonus quis præceptor vocatur.  
Annon enim absurdum est, eos, qui ministri legum sunt, no-  
vas leges condendo facultatem quandam imperatricem sibi  
arrogare? Facilis erit ad hæc Responsio, si quæ suprà *thes. 3.* cir-  
ca finem, & modò *hæc thesi* de naturâ ICTi diximus huic difficul-  
tati tollendæ adhibeamus. Vti enim Iudicando de Præcepto-  
rum demonstrationibus ipsi demonstrare addiscimus: ita in le-  
gum ab alijs latarum rationes inquirendo prudentiam legisla-  
toriam nobis paramus. Hoc pacto & gregarij milites impera-  
re & ducum tandem officio fungi discunt. Nam si experiuntur  
à prudentissimis ducibus in hoc vel illo casu, hoc vel illo modo  
quid adornari, ipsi tandem si *αὐτοκρατορ* præditi rationes imperan-  
tium meditantur ad imperium se præparant. Imò ex his col-  
ligimus, ICTos non modò rectè novis legibus condendis adhi-  
beri; sed etiam, si ponamus ICTum sine scientiâ, & Philoso-  
phum sine Iurisprudentiâ, cum ad novas leges certæ Reipubl.  
condendas aptiorem esse quàm hic est. Nam semper qui nu-  
dâ experienciâ instructi sunt, rectius in singularibus versantur,  
quàm qui nil præter scientiam & universalium cognitionem  
habent. *Arist. lib. 6. Eth. cap. 8. & lib. ult. cap. ult. lib. 1. Metaph.*  
*c. 1.* Errant ergò qui compendio politico perlecto se imperare  
posse ICTo existimant: æquè enim est, ac si qui ex compendio  
aliquo definitionem tribuni militum, præfecti vigiliæ, centu-  
rionis didicerit, propterea se aptiorem ad bellum gerendum  
existimet, seque meritò ei imperare debere, quā ab incunte æ-  
tate in bellis versatus est. Vti namque parendo imperare dis-



imus. *Arist. lib. 3. polit. c. 4.* Ita & interpretando leges certæ & licui civitati latas, earumque rationes investigando condendis novis legibus assuecimus. Hic tamen habitus longè redditur illustrior, si scientiam legum ferendarum nobis unà paraverim. Errat ergò, quisquis ille sit, Hippolithus, infelicitatem nostræ Germaniæ ascribens multitudini legum, Legistarumque. Quasi verò felicior futura sit, si cuilibet nugatori novas leges introducere conanti fides habeatur. Erit alibi de his differendi locus; sufficiat isti Hippolitho textus *Arist. lib. 1. Rhet. cap. 1.* ubi ait, convenire Reipubl. recte latas leges pleraque distinguere, & quàm paucissimam relinquere Iudicibus: cū legislationes longi temporis consideratione fiant, at iudicia derepentè. Demonstratum hætenus est, qualis sit habitus Iurisprudentia, quidq; ad ICTi officium pertineat. Ex quo simul patet, quid inter ICTum & subditum alium in Republ. intersit: Subditi enim cuiusvis est leges nosse: at præter legum cognitionem in ICTo, & facultas interpretandi requiritur.

§. 3.

VIII. Oñsum hætenus est, ICTum in ijs versari, quæ legibus præcipiuntur; hæc autem omnia hisce tribus universalissimis regulis comprehendi possunt 1. *Honestè vivere* 2. *Neminem lædere*. 3. *Suum cuique tribuere*. Quare verò tot recenseri debeant, magna inter ICTos controversia est. Accursius primum præceptum refert ad hominem in se, reliqua duo ad hominem cum alijs conversantem, quos nec lædere & adjuvare tenetur. Verùm quia leges de omnibus præcipiunt, quatenus erga alterum nos gerere convenit; hæc Accursii speculatio inanis est. Bachovius ex malitiâ & bonitate trium animæ partium, utiloquitur, rationem istorum præceptorum petere conatur. Animæ enim humanæ partem aliam rationalem aliam irrationalem rationi tamen parentem ex Philosophorum traditis sumit; huiusque partem aliam irascibilem aliam concupiscibilem; ad rationalem autem partem pertinere voluntatem. Hinc rationes istorum præceptorum sequenti modo deducit: si enim, inquit, pars animæ concupiscibilis malè affecta est, fit, ut homines inhonestè vivant; si irascibilis, ut alterum lædant; si voluntas vitiata sit, ut nemini suum tribuant. Cùm vero

rò si



de vitiosis animi dispositionibus leges occurrant, fieri inde exi-  
timat, ut ad tria illa universalissima omnium legum præcepta  
reduci possint. Verum ne in hisce Bachovij fundamentis refu-  
tandis prolixi simus, id quod omnibus obvium est tantummo-  
do perpendendum alijs dabimus, quod nim. homines inhone-  
ste vivant, non modo concupiscibili, sed & irascibili appetitui  
obtemperantes; item quod vitium alteri suum non tribuendi  
non sit voluntatis proprium; item quod & ignorando peccemus,  
quando vel negligimus inquirere, quod scire conveniebat,  
vel quam scientiam habemus dormire quandoque patimur. *Arist. lib. 6. Ethic. cap. 5.* Quare namq; non adiicitur quartum præ-  
ceptum, facienda non ignorare? Alio ergo sumpto principio  
rationem trium istorum præceptorum ostendere conabimur.  
Dubio caret, ea, quæ legibus præciuntur, Iusta esse: aliud  
autem iustum est universale, aliud particulare. Universale Ius-  
tum in actionibus ex virtutibus proficiscentibus positum est,  
omnesque adeò leges, quæ de universali Iusto præciunt & se-  
cundum virtutes vivendum esse iubent, sub hac universali regu-  
lâ comprehenduntur. **HONESTE VIVERE.** Particulare Iustum in  
distributionibus & commutationibus seu retributionibus ver-  
satur: Commutationes aliæ spontaneæ sunt, aliæ invitæ; spon-  
taneis annumerantur emptio venditio, locatio conductio, mu-  
tuum depositum, commodatum &c: Invitæ aliæ clandestinæ  
sunt, velut furtum, adulterium, veneficium &c: aliæ violentæ  
ut homicidium, rapina, injuriæ reales &c: Cùm ergo leges ju-  
pocant singula ritè distribuere, & quod in commutationibus  
retribuendum est, retribuere, nascitur inde secundum illud u-  
niversalissimum præceptum: **SVM CUIQUE TRIBUERE.** Commu-  
tationes invitæ sub comminatione pænarum prohiberi so-  
lent: inde est tertium præceptum, **NEMINEM LAEDERE.**

IX. Studium Iurisprudentiæ, in cognitione duplicis Iuris  
consistit, publici sc. & privati. Publicum Ius hîc non sumitur  
pro eo, quod publicè constitutum est: ita enim & privatum  
publicum esset; sed jus publicum dicitur, quod ad ipsam Rem-  
publ. pertinet, præcipitque de ordine civium propriè dicto-  
rum, qui sc. magistratus, senatus & Iudiciorum sunt participes.

Privatum jus in patrumfam quâ talium negotijs versatur, & principaliter atque directè singulorum commodis inservit. Neglecto Iure publico, ad solum jus privatum elementa nostra Imperator restringit, eam ob causam; quia omne Ius publicum vetus post tempora Constantini M. planè sublatum est, sacrorum curâ Ictis ademptâ & ad Theologos translata; quicquid ex pristino statu supererat, penitus abrogatum; ut vix vestigium Iuris publici veteris superfuerit. Est verò Ius publicum absolute consideratum duplex, naturale & à naturali recedens: Naturale est, quod optimam dirigit Rempubl: quam introduci humana imbecillitas vix admittit; à naturali recedens est, quod reliquas præter formam optimam dirigit; ejusmodi autem sunt vel simplices vitiosæ, democratia, oligarchia & tyrannis; vel mixtæ, quæ ex oligarchiâ & democratiâ constantur, & vel ad democratiam vel ad oligarchiam magis accedunt, vel perfectè mixtæ sunt. Ius privatum in naturale, gentium & civile dividitur; quarum specierum naturam dum investigamus, operæ pretium erit, de quæstionis hujus resolutione unâ cogitare, quam ob causam nim. solum Ius privatum triplici isto modo dividatur.

TIT. II.  
pr.

X. Quærent Ddres circa definitionem Iuris naturalis ab Ulpiano *l. i. de Iust. & Iur.* traditam & hîc à Iustiniano repetitam, quomodo natura Ius bruta docuerit. Nonnulli dicunt, Ius esse quasi jussum quandam, eumque vel rationis vel naturæ; quod natura jubet jus naturale vocant. Quasi verò natura non sit ratio quædam; id enim invitum Empedoclem quandoque falsum esse testatur Arist. *lib. 1. de part. animi cap. 11. circa fin.* Alij inter materiam & formam distinguunt, & Iuris naturalis materiam dicunt esse instinctus naturales, qui & brutis inesse deprehenduntur; formam verò rationem accedentem, quâ homines reguntur. Alij ita procedunt: Quia in homine natura est duplex, una quæ eidem inest, quatenus est animal & commune quid cum bestiis habet, altera eidem ut homini competens: necesse est, jura differre: quod enim dirigit naturam animalis, Ius naturæ vocant; quod humanæ naturæ facienda dictat, Ius gentium. Alij Ictos Romanos parum sui memores

more esse putant, propterea, quod vim vi propulsare Iuri gentium Florentinus ascribat. *l. ut vim. 3. ff. de iust. & iur.* quod tamen natura etiam bruta animantia docuit. Vnde & Cic. *lib. 1. ff.* Omni animantium generi hoc à naturâ tributum esse tradit, ut se suaque tueatur. Alij dicunt, Vlpianum voce Iuris abusum esse, dum instinctus naturales Iuri annumeravit; tolerari tamen posse ejus sententiam ex eo capite, quod in brutis simulacra quædam rationis cernantur. Idque sententiâ Platonis confirmant, qui docuit, naturam in plantis simulacra sensus, in brutis, simulacra rationis, in hominibus, simulacra divinæ mentis expressisse. Videamus porrò, quæ Iuri naturali annumerentur: talia sunt maris & feminæ conjunctio, liberorum procreatio & educatio. Circa hæc movent Ddres dubia, statuentes Educationem Iuris civilis esse, cum illud desuper de eâ disponat. Item si liberorum educatio, maris & feminæ Conjunctio Iuris naturæ sunt, quærunt quare bibere, edere Iuri eidem non annumerentur. In his enim quoque instinctus naturalesprehenduntur, quos recta ratio dirigere potest. Majores his insurgunt difficultates, si species illas tres Iuris invicem conferimus. Nam & Ius gentium naturale dicitur & cum genere humano naturâ proditum. *§. sing. 11. infra de Rer. divis. l. 1. ff. de acq. i. dom.* Quod si jus gentium idem est cum naturali, quare subicit Imperator *§. 2. h. illud usu & exigentibus necessitatibus* constitutum esse? quare *l. 1. §. ult. ff. de iust. & iur.* à naturali recedere, & hîc peculiarem speciem Iuri naturæ contradistinctam constituere dicitur? Quare servitus Iuris gentium dicitur, & tamen Iuri naturali contraria? Hæc ut invicem conciliarent, divisere ceteros Icti Ius gentium in primævum & secundarium, & horum posterius ex hypothesi, illud simpliciter Iustum esse statuerunt. Quorû opinioni videtur consentire Aristoteles, qui *lib. 1. polit. cap.* captos ex bello servituti subjici ad jus legitimum refert. Quod Ius gentium primævum naturale rectè dicitur, annon æquivocatio erit in voce Iuris naturalis? Fatetur id Bachovius, qui Ius naturale dupliciter sumi dicit. i. quatenus positivo & civili oppositur, & suo ambitu omne gentium Ius sive sit primævum sive secundarium complectitur *§. singulorum 11. infra de Rer. divis. 2*

magi s



magis propriè pro eo, quod recta ratio dicitur, ut *l. 2. & 3. de iust. & iur.* 3. pro eo quod quidem ratio naturalis non præcipit, sed quia consideratis humani generis initijs ita obtinebat. Quâ ratione omnes homines Iure naturali liberi pronunciantur. *pr. infr. de Libert.* At si licet tot tamque varias significationes voci ascribere, eamque pro nostro arbitrio æquivocam facere, quid non defendere poterimus?

61.

XI. Definitur Ius civile, quod quisque populus ipse sibi velut jus proprium constituit. At quid respondebimus Philosopho, qui *lib. 5. Eth. cap. 10.* Ius civile simpliciter Ius esse dicit, illudque in naturale & legitimum seu positivum dividit? Nonnulli distinguunt inter jus civile, quod merè tale est, solique legislatoris præcepto innititur; & inter mixtum, quando aliquid ex Iure gentium in civitatem recipitur, quod neque in totum à naturali vel gentium Iure recedit, nec per omnia ei servit, sitque proprium civitatis, dum gentium & naturali Iuri aliquid additur vel detrahitur. *l. Ius civile 6. pr. ff. de iust. & iur.* An ergo hoc mixtum erit illud, quod Aristoteli naturale vocatur? Dubitari porrò potest, an rectè per proprium & commune Ius civile & gentium ab invicem distinguantur. Nam nequidem illud Ius gentium, quod primævum vocant, commune est omnium hominum; tantum abest, ut secundario hoc tribui possit: cum tamen imperator videatur huc secundarium κατ' ἐξοχήν Ius gentium dicere velle; quod inde colligitur, quia ut Iuris gentium naturam declaret, utitur exemplis ad merum secundarium pertinentibus. An fortasse latet homonymia in voce Iuris gentium? aut an sibi non satis constant I Cti Romani? Aliud & hic emergit dubium, an se, quemadmodum contractus & obligationes, ita quoque & actiones ex Iure gentium descendant. Negativa placet multis Odribus *per l. 2. ff. § deinde 6. de Or. iur.* Quibus tamen respondet Bachovius, citatum § deinde: de formâ tantum actionum, non de actionibus ipsis loqui. Actio enim intentio est persequendi, quæ Iuris gentium esse videtur, licet modus & forma à Iure civili sit. Verùm huic Responsioni Bachovij obstare videtur, quod Arist. tradit *lib. 1. polit. cap. 2. in fin.* Iudicia cum civitatibus cæpisse; actio autem est Ius in Iudicio id quod debe



debetur persequendi. Vnde non immeritò statueres, actiones  
ex Iure Civili esse.

XII. Quò ergò certi quid de naturâ istius Iuris triplicis  
dicamus, de Iure in Vniversum aliquid præmittendum est, ut  
exinde ratio specierum istarum appareat, & dubijs hæcenus  
motis satisfiat. Duo esse tradit Cic. *lib. 1. offic.* quibus societas  
hominum inter ipsos & vitæ quasi communitas continetur,  
iustitiam sc. & amicitiam. Idque conveniens est menti Aristo-  
telis, qui in omni societate duo requiri dicit, Ius & amicitiam.  
*lib. 2. Eth. cap. 11.* Quàm latè verò patet amicitia, tam latè & ius  
patet, nec amicitia sine iure conservari potest. Rectè ergò  
numemus, Ius esse quiddam societatem humanam conservans,  
præsertim quando de Iure privato sermo est. Idque ita esse, ex  
signo quoque patet, quando videmus, legislatores Ius præscri-  
bere volentes id unice quærere, per quod societatibus humanis  
benè est. Quòd si ergò Ius est quiddam societatibus humanis  
salutare, & privatum est quiddam, per quod privatorum quâ  
alium societas conservatur: necesse est, quot sunt societatis  
privatorum distincta genera, tot quoque esse distinctas Iuris  
privati species. Est autem societas privatorum quâ talium tri-  
plex. Prima est, quam habent homines cum brutis commu-  
nem, qualis est societas conjugalis, quatenus alendorum libe-  
rorum gratiâ est. Secunda est propriâ quidem hominum, com-  
munis tamen omnium, qui liberi sunt. (Nam servi velut instru-  
mentis vitæ, ut paulò post audiemus, propriè nullum Ius com-  
petit, nisi ex accidenti, seu quatenus illis accidit esse homines.)  
Tercia est, quâ totum humanum genus per universum terrarum or-  
bem aliquâ inter se societate gaudet, in quâ substitit, ante-  
quam civitates condi, magistratus creari & leges scribi cœpe-  
rent. §. *singulorum. 11. inf. de rer. divis.* Tertia hæc æquior est  
privatorum, qui in unam civitatem cojerunt. Nam solent hi quoad  
privatam societatem, quam ut privati colunt, etiam aliquid pecu-  
næ statuere. Notum quoque est ex politicis, non quodli-  
bet Ius privatum in quibuslibet Rebus publ. locum habere  
possit. Sic cuilibet testamenti condendi facultatem concedi, in  
omnibus formis admitti nequit. Nam in mixtis & ijs quæ com-

muniter optima sunt, quales sunt quæ meliocribus summam potestatem tribuunt, Aristot. *lib. 4. Polit. c. p. ii.* facile status mutatur, si testamenti factio omnibus civibus concedatur. Ob has ergo societates tres sine distinctione & naturâ, necesse quoque est triplex ius dari, quo ipsæ diriguntur. Naturale proinde Iusest, quod dirigit societatem hominum cum bestiis communem. Quod enim in bestiis operatur natura sola, hoc in hominibus unâ cum naturâ recta ratio. Ex his perspicimus, quare ad ius naturale referantur maris & faminz conjunctio, liberorum procreatio, item alimentorum subministratio, quam Imperator educationem vocare videtur. Secundam iuris privati speciem constituit illud ius, quo salva est societas, quæ quidem hominum propria est, ad omnes tamen, modò liberi sint, pertinet. Huic iuri contractus annumerantur, quia & ij, qui unius civitatis partes non sunt, contrahunt. Item iura circa bella huc referenda; cum enim homines extra civitatem suas querelas ad nullum magistratum deferre possint, quilibet fit executor ad id obtinendum, quod sibi debetur. Pietas quoque erga Deum, obœdientia parentibus debita ab hoc iure proficisci dicuntur; quia antequam civitates condici cœperunt, hæc observata fuere, nec ulli peregrinorum, quicquid ipsi hac in re iuris competit, denegatur. Tertia iuris privati species ius civile appellatur, non quòd ipsam civitatem quâ taleni dirigat, hoc enim publicum ius vocamus; sed quòd facienda distinet privatis quâ talibus, civibus tamen certæ alicujus civitatis existentibus: solet enim civibus præ peregrinis aliquid iuris attribui, quod peregrinis denegatur. Hinc patet ratio, quare Icti Romani tam scrupulosè distinxerint inter ius gentium & civile, ut sc. sciret Prætor peregrinus, qui teste Livio *lib. 9. deo. 4.* inter cives & peregrinos ius dicebat, quæ iura peregrinis dicenda essent. Nam peregrini solo gentium iure fruebantur. Pertinet & hæc elegans textus in *l. de portu 15. ff. de interd. & relig. à Cuiacio & Contio ex Rusticis restituta.* Hunc usum nisi admittas, nihil apparet, quare ea, quæ juris gentium sunt à iure civili dignoscenda veniant.

XIII. Tentabimus nunc, an ex his positis dubia resolvere & nu-

& nubes obsecuritatum depellere possimus. Quæbatur *thes. 9. in fin.* annon hæc divitiis & Iuri publico competeret. Ad hanc quæstionem modò in promptu erit quid respondeamus. Nam cum Ius publicum dirigat Rempubl. non potest Ius gentium quædam ejus esse species; quippe quod proprium est eorum; qui unius civitatis non sunt: sed rectè solum Ius privatum ab Imperatore nostro ita divisum est. Quæbatur porrò *thes. 10.* quomodo dici possit, naturam omnia animalia Ius docuisse. Responsio ex hisce in promptu erit. Quando enim deprehendimus, animalia societatem colere eam, quam homines colunt, & ad ejus conservationem & salutem operari ductu naturæ ea, quæ homines naturæ & propriæ rationis instinctu faciunt; idq; in hominum societate Ius esse: dicimus naturam bestias Ius illud docuisse. Quòd si distinctiones varias Ddum *d. th. 10.* enarratas perpendimus; apparet manifestè eos voluisse idem nobiscum dicere. Quid enim aliud penè volunt distinctiones inter materiam & formam, inter naturam duplicem in homine, animaleni & humanam; inter simulacra rationis & rationem ipsam? Dubitabatur *eàdem thes.* An vim vi repellere sit Iuris gentium, cum bestia singulæ suis armis instructa à naturâ ad sui defensionem ducantur. Circa quod, ut rem hic paucis expediamus, dicimus, accuratè loquendo non videri Iuris esse vim vi repellere. Vnde quando Grotius *tr. de I. P. & B.* quærit, an bellum aliquod sit justum, intelligi justum magis negante, quam agente sensu dicit, & hunc sensum esse, an sit non injustum gerere bella. Ratio est, quia bellum gerere est in statu dissolutæ humanæ societatis vivere: est autem, uti *thes. 12.* dictum, Ius quiddam societatem humanam conservans. Ex se ergò & suâ naturâ vim vi repellere Iustum non est, sed si quid inest justum, ex hypothesi est, quatenus per judicem injuriam propellere non licet. Quia verò societas hominum universalis, quæ in civitate non conjit, defectu magistratuum laborat; Ex hypothesi in eâ justum est, quod in civitate pro Iusto nequit reputari. Factum inde esse verisimile est, ut omnis defensio necessaria quando sc. in casu subito, ubi per Iudicem damno irreparabili occurrere non licet, propulsandæ injuriæ ergò aliquem lædere cogimur



mur, Iurigentium ascriberetur. *l. ut vim. 3. ff. de Inst. & Iur.* Proponeretur & quæstio eadem thes. annon educatio sit potius Iuris civilis quam naturalis. Huic dubio ita occurremus: si educationem sumas procurâ, quæ impenditur in liberos, ut secundum virtutem Reipubl. convenientem vivere discant, ad nostrum Ius naturale non pertinet, sed potius Iuris publici quædam pars est. Aristot. *Polit. lib. 1. cap. ult. in fin. & lib. 8. cap. 1.<sup>o</sup>* Quod si verò de subministratione cibi & potus sermo est & de præstatione eorum, quibus vita liberorum conservatur, & quatenus liberi id à parentibus exigere possunt; ad Ius naturale, de quo Imperator hic loquitur, educationem referimus. Dubium aliud movisse & Hottomannum eadem thes. narrabamus, annon & edere, bibere, dormire sit Iuris naturæ. Cui tamen ex ijs, quæ de naturâ triplicis Iuris tradidimus, facillè respondere licebit, nim. hæc non esse opera alicujus societatis naturalis propria; adeoque ad nullum Ius referri posse. Restant adhuc declaranda, quæ eadem thes. de confusione Iurium dicebantur. Ut autem dicamus quod res est, videntur Icti Romani illud Ius, quod à perfectione longius recedit respectu perfectioris naturale vocasse: Et hinc illud, ad quod non modò homines, sed & bestię rapiuntur, pro Iure naturali κατὰ φύσιν habuisse. Non mirum ergo est, Ius gentium velut imperfectius & antiquius civili, quippe quod ante civitates introductas vixit. *d. g. singulorum 11. infr. de Rer. divis.* respectu juris civilis naturale dici; respectu verò ejus, quod commune est cum bestiis, non naturale. Aliter longè philosophatur Aristot. qui jus perfectius magis naturale quam imperfectius esse censet; Cum natura cujusque rei in fine & perfectione consistat. *lib. 1. Polit. c. 2.* Et inde colligit, Ius, quod civilem societatem quâ talem dirigit, maximè naturale esse. Hoc idem facit ad quæstionem thes. 11. propositam decidendam, quare sc. Ius civile propositivo ab Imperatore sumatur, & à Iure naturæ quàm maximè recedere tradatur, cum tamen Aristot. *lib. 1. Eth. cap. 10.* illud simpliciter Ius esse dicat, & in naturale & positivum dividat. Nam Philosophus per jus civile publicum intelligit, quo ipsa civitas quâ talis, velut perfectissima societas dirigitur. Dubitabatur quo-

quoque *thes. 10.* quomodo servitutes Iuris gentium sint, & simul  
Iuri naturali contrariæ §. 2. *b.* cum tamen Ius gentium naturale  
dicatur: *d. §. singulorum infr. de rer. divis.* Ratio decidendi hæc  
eadem erit, quod sc. Icti Romani id quod imperfectius est pro  
magis naturali Iure habuerint. Quamvis hæc in re peccasse vi  
deantur: uti enim errabimus, si naturam humanam ex homi  
ne primum in lucem edito, addiscere conemur: ita quoque Ius  
naturale ex imperfectis hominum societatibus, cum primum  
coire cœpissent, petere velle, inconveniens erit. quin potius,  
si ex homine maturæ ætatis de naturâ humanâ rectè judicamus;  
ita quoque quid naturaliter Iustum sit, ex perfectissimâ socie  
tate, quæ civitas est, hauriendum veniet. Vtcrius dubitaba  
tur, quomodo Ius gentium commune dici possit, cum tamen  
non ab omnibus gentibus ejus cura habeatur. Ratio in prom  
tu est, quia Ius gentium illud est, quod universalem omnium  
hominum societatem dirigit. Manet ergò commune, licet  
omnes gentes non observent; quemadmodum Ius, quod civile  
vocat Imperator, commune manet totius civitatis, licet sin  
guli fortasse id quandoque negligant. An porrò actiones sint  
Iuris gentium, quemadmodum & Obligationes, etiam ex his,  
quæ diximus, facilè perspicipoterit. Quod enim in societate  
hominum, qui magistratus suos habent, qualis est civitas, sunt  
actiones, id in societate universali bella esse solent. Et proinde  
bellorum sunt fontes, quot actionum. Verùm quia & ac  
cidit quandoque ex pæcio inter homines diversarum civitatum  
iudicia obtinere. *Arist. lib. 3. Pol. cap. 9.* Manifestum est, actiones  
aut Iura persequendi in iudicio, quod cuilibet debetur, cum ci  
vitatibus quidem capisse; non tamen impedire, quò minus & Ius  
gentium dici possint. Vnde & apud Romanos prætor peregrin  
us fuit constitutus, qui ex Iure gentium agentibus Ius dicebat.

XIV. Dividitur ab Imperatore Ius civile Romanum in scri  
ptum & non scriptum. videtur autem hæc divisio non esse pro  
pria Iuris Civilis; quia Ius naturale & gentium à *Cic. part. orat.*  
*re. fin.* uti & responsa prudentiū à *Pomponio l. 2. §. his legibus. j. de*  
*ig. Iur.* Iuri non scripto annumerantur. Præterea videtur & hæc  
divisio ab accidentibus petita: cum ex sanctione potius ratio

*ad l. 1. ad L. Jul. Maiest.* populum sumi pro capite populi seu principe, quicum repræsentat; Manet enim hoc modo administrator summæ potestatis, nec privativè, sed cumulativè iura Majestatis concessa sibi habet, quod tamen Ddres non admittunt. Duo ex nostro textu constitutionum principalium genera Ddres colligunt 1. quando Imperator directè hoc agit, ut legem condatur, quod fit iterum dupliciter, vel per promulgationem Edicti, vel quando de iure consulentibus magistratibus respondet. 2. Quando vel privatis de iure per Epistolam respondet, vel cognoscendo sententiam dicit. Et ista vim legis Vniversalis quoq; habere hic dicuntur, licet non iuris condendi causâ ab Imperatore prolata sint. Circa hæc tamen dubium movet. *l. 2. & 3. C. de L. L.* quæ enarrata in secundo genere à numero legum expressè remonent. Sunt qui putant, *cit. ll.* de interlocutorijs tantum non definitivis sententijs loqui. Nonnulli ea, quæ *in dd. ll.* traduntur, modestiæ Theodosij ascribunt, quâ & usus esse videtur *l. humanum. 8. C. cod.* Alij distinguunt inter ea, quæ ab ipso principe, & ea quæ à Consistorio principis sunt pronunciata: plus enim principi, quàm consistorio ejusdem tribul debere. Citatas v. *ll.* de Consistorij pronunciatis loqui. Dividuntur porro constitutiones principum in Indefinitas & Vniversales, quæ omnes obligant, & eas quæ in singulas personas feruntur, dicique privilegia solent. Circa hanc divisionem occurrit dubium ex *LL. 12. Tabb.* quæ privilegia irrogare prohibuerunt. Vnde & *Cic. orat. pro dom.* conqueritur, in se non legem sed perniciosum privilegium latum esse. Respondent Ddres regulatè privilegia injusta esse, si temerè & sine rationibus irrogantur quandoque tamen excertis causis in Republ. esse necessaria. Idque colligunt ex verbis: *Nam quod alicui ob meritum indulsit.* Hæc de constitutionibus principum. Circa prætorum Edicta hoc potissimum occurrit dubium: quomodo ea partem iuris scripti constituent, cum prætores legum condendarum potestatem non habuerint. *l. cum sponsus. 10. §. si res. 4. de Publ. act. l. non est. 12. §. 1. de Bon. poss. pr. infr. cod.* Respondent Ddres, Edicta prætorum vim legum consecuta esse, postquam in unum corpus cum alijs redacta, & paræ auctorita-



horitate) cum iisdem per confirmationem Iustiniani sunt consecuta. Sextam Iuris speciem Responsa prudentium constituunt, & definiuntur, sententia & opiniones eorum, quibus permillum erat de Iure respondere. Extra dubium est, loqui Imperatorem non de ijs Ictis, qui olim in liberâ Republ. Iura interpretabantur; sed de ijs, quibus Augustus Cæsar id concesserat. Hoc quærit tantummodo potest, quem in finem Ictis ista authoritas ab Augusto data fuerit, cum administratores legum fuerint magistratus & potissimum prætores, qui jus dixerunt, ut patet ex Cicer. de LL. Hactenus varia dubia, quæ circa species Iuris scripti moveri possunt, enarravimus. Restat, ut quid Ius non scriptum sit, exploremus, & postea ordine ea, quæ obscura hactenus nobis visa sunt, declaremus.

XVI. De differentiâ inter Ius scriptum & non scriptum  
Resp. 13. disceptare cepimus: nunc penitus in naturam & qualitates Iuris non scripti inquiremus. Nonnulli Ddres substantialia consuetudinis seu Iuris non scripti tria numerant 1. tacitum populi consensum l. de quibus 32. & l. sed & ea. 35. de LL. 2. Vsu frequentiam 3. Temporis diuturnitatem. Cothm. vol. 1. Resp. 13. n. 15. alij sequentia tria 1. frequentes actus, l. 1. C. Que sit longa consuet. l. an in totum 3. C. de edific. priv. 2. Temporis diuturnitatem, 3. principium rationabile & non erroneum. Bart. ad l. de quibus 32. de LL. n. 11. Ex his collectis quatuor requisita confecit Mynsing cent. 6. observ. 41. 1. Ut sit rationalis. 2. Vsu sæpè frequentata. 3. per multos annos observata. 4. Consensu populi introducta. Quòd si substantialia consuetudinis in his consistunt, quæritur, annon potius tacitus consensus populi essentiam ejus constituat, quàm scripturæ defectus. Aut an falsum est, tacitum consensum esse consuetudinis differentiam specificam? Licet enim in d. l. de quibus Iulianus ita argumentetur. Si expresso consensu populi lex introduci-  
tur, quidni & tacito? non tamen inde inferitur, essentiam Iuris non scripti vel consuetudinis in tacito consensu quovis consistere. Ita enim quodvis factum, ex quo consensus alicujus coli-  
gi posset, ad consuetudinem sufficeret; & pluralitas actuum fieret supervacanea. Quòd si ex solo consensu tacito dependet

consuetudo, quare eidem hæc attribuuntur epitheta, ut videtur  
longa. Rubr. C. *Que sit long. consuet.* & l. *sed & ea 35. de LL. Diu-*  
*turna l. diuturna 33. eod. inveterata d. l. de quibus 32. §. 1. eod.*  
Respondet Bart. *ad l. de quibus. n. 17.* Tempus longum propterea  
præter tacitum consensum requiri, ut perseverantia populi in eo  
appareat. Circa temporis diuturnitatem occurrit quæstio,  
quot numero anni requirantur. Gailius *lib. 2. observ. 30.* distin-  
guit inter Ius Canonicum & Civile: de Iure Canonico, si præter  
ius quid introducatur, decennij tempus requiri putat, si con-  
tra jus, tempus 40. annorum, propterea, quod in hoc verse-  
tur præjudicium principis. *per Gl. in cap. ult. de consuet. si sit con-*  
*tra reservata principis, tempus immemoriale ex c. super qui-*  
*busdam §. præterea. de Verb. signific.* De jure civili vult, decem an-  
nos semper sufficere; si præter si contra Ius sit consuetudo,  
modò non sit contra reservata principis. Et hanc senten-  
tiam alij quoque DDies probant *ex l. sed & ea. 35. de LL. iuncto*  
*l. fin. C. de usucap. transf. 1m. Rubr. tit. C. de præscript. long. temp.*  
*add. Coler. de proc. execut. p. 1. c. 3. n. 28.* Rationem ex Bartolo  
*ad d. l. de quibus, num. 15. & 16. h. reddunt,* quòd longum tempus  
hic non propter negligentiam requiratur, sed, uti dictum, tan-  
tùm ob perseverantiam in actu. Alij vel immemorale tempus  
requiri volunt, vel id Iudicis arbitrio esse committendum, qui  
pro ratione circumstantiarum de exemplorum sufficientia ju-  
dicet. Pro immemoriali tempore militat hæc ratio, quòd mo-  
res sint causa consuetudinis, qui cùm habeant causam disconti-  
nuam, immemorale tempus exigunt, non aliter ac quando servi-  
rutes discontinuam causam habentes præscribuntur. Capol. *de*  
*servit. c. 19. Gail. lib. 2. obs. 66. n. 7. Covarruv. lib. 1. var. res. c. 17. n. 11.* Alij  
iterum respondent, mores causam remotam esse consuetu-  
dinis; tacitum consensum, causam proximam. Menochius *lib. 2.*  
*de arbit. iud. quæst. cas. 88.* semper id ab arbitrio Iudicis depen-  
dere tradit. Baldus *lib. 5. cons. 349. n. 2.* quatuor differentes opi-  
niones recenset, tandemq; consuetudinem longissimo tempore  
præscribi concludit. Iure Saxónico 30. anni annus & dies, tan-  
tùm sc. temporis spatiũ, quo privatus sibi Iura per præscriptio-  
nem acquirit, exiguntur, si præter si contra Ius introdu-  
citur consuetudo. Schneidvv. *h. n. s. Catpöv. p. 2. c. 3. des. 20.*

Ius Canonicum, ut consuetudo valida sit, præscriptam esse requirit *cap. ult. de consuet.* Vnde anxie quærent Ddres an & quid differat consuetudo à præscriptione. Baldus *in l. de quibus 2. de LL.* præscriptionem dicit consuetudinis essentiam esse, & per Consequens etiam annos præscriptionis in ea esse obser- vandos, quem sequitur Cothman. *vol. 2. Resp. 48. n. 47.* Alij præ- scriptionis & consuetudinis varias differentias enarrant, quas col- legit Cravetta *tract. de antiq. temp. p. 4. c. transco.* 1. Quòd præ- scriptio perficiatur continuâ possessione vel quasi, Consuetudo actibus successivis sit contenta. Quam tamen differentiam rejicit statim ipse Cravetta propterea, quòd & præscriptio de- tur in causâ discontinuâ, & consuetudo contrâ in ijs, quæ cau- sam continuam habent, reperiatur. *l. i. §. ult. de aqu. plu. arc. & Gl. ibidem.* 2. Consuetudinem dicunt esse formam quan- titatam introductam ex consensu populi sine usurpatione Iuris ali- eni; præscriptionem autem esse usurpationem rei vel Iuris alieni in esse producti. Sed iterum Cravetta, hanc differentiam ad- mittere non vult, quòd per consuetudinem quoque hoc agi possit, ut Iuri alterius detrahatur. *l. venditor 13. §. si constat. l. comm. præd.* 3. Consuetudinem obviare futuris & esse Ius dispo- nens, præscriptionem tollere Iura præterita & esse Ius dispositum. Sed obijcit iterum Cravetta & Ius futurum præscribi posse; v. g. servitutem quæ nondum est introducta. 4. In con- suetudine requiri minus tempus, quàm in præscriptione; suf- ficere enim decennium, nullâ distinctione factâ, an causa sit continua vel discontinua. At sub Iudice adhuc lis est, an tan- tum temporis semper sufficiat. Nam & 40. & 100. annorum, mò immemorabile tempus quandoque Ddres in firmandâ con- suetudine exigunt. 5. Consuetudinem esse in his, super quibus populus expressè constituere potest; præscriptionem in ijs, de quibus leges non feruntur. Huic tamen sententiæ obstat, quòd consuetudo etiam possit fieri pro commodo particularis personæ *d. l. venditor. §. i. comm. præd. l. i. §. ult. de aqu. plu. arc.* 6. Consuetudinem nec titulum nec bonam fidem requirere, præscriptionem vel maximè. Obstat tamen, quòd & in præscri- ptione incorporalium titulus non videatur esse necessarius. *l. si*



quia 10. pr. ff. si servit. vindic. quia scientia & patientia propter  
presumptum consensum loco tituli sunt. Perez. ad tit. C. de servit.  
& ag. n. 19. Item, ut in incorporalium prescriptione bonam fi-  
dem facit, si quis nec vi nec clam nec precario possidet; ita & in  
consuetudine hac solent attendi. Quare colligeres potius,  
consuetudinem quandam prescriptionem esse. 7. Consuetu-  
dine acquiri Ius in communione & contra omnes de populo,  
agique de praejudicio & favore incertarum personarum; prae-  
scriptionem v. inducere Ius privatum inter praescribentem &  
eum, contra quem praescribitur. At si ex una parte sit univer-  
sitas, ex altera persona privata, an consuetudo erit vel prae-  
scriptio? Respondet Baldus, si praescribitur Iudicio respectu  
Domini recte vocari prescriptionem. Alii respondent, semper  
ibi consuetudinem esse. Quid porro erit dicendum, si univer-  
sitas contra universitatem per cives suos Ius acquirit, eritne  
praescriptio vel consuetudo? Respondet Cravetta, licet id no-  
men consuetudinis latere possit, effectum tamen praescriptionem  
esse, cum nil requiratur, praeterquam quod ad simplicem prae-  
scriptionem est necessarium. 8. Consuetudinem esse genera-  
lem non modo respectu personarum, sed & rerum, cum ad  
unam rem non restringatur; praescriptionem non modo per-  
sonarum, sed & rerum respectu singularem esse. At videtur  
hac differentia, si qua est, merè esse accidentalit, nec eam in con-  
suetudinis naturam penetrari posse. 9. Consuetudinem valere  
adversus tertium quemcunque; praescriptionem, quando liti-  
gatur cum eo, contra quem praescriptum est. Videtur autem  
obstare huic differentiae, quod consuetudo quoque non valeat,  
nisi inter quos facta est; Unde particularis & certi alicujus  
loci ad alia loca extendi nequit. Item si qui praescripsit litiget  
cum tertio, adversus quem non praescripsit; allegare tamen  
suam adversus eum praescriptionem potest. 10. Consuetudinis  
acquiri non auferri. At si consuetudo tollit leges, sanè & jus  
auferrijs, quibus ex LL. illud competit. Quia non modo pu-  
blicas, sed & privatas leges i. e. pacta tollit, facitque ex pacto  
non debere amplius quod debebatur. arg. l. 1. & 2. de ag. pluv.  
acc. iunct. Gl. ibid. 11. Pro consuetudine, ut rata sit, iudicium

contra

contradictorium requiri, pro præscriptione non. Quæ de re in  
 seqq. disputabitur. 12. Ius acquisitum consuetudine videri de-  
 bilius eo, quod præscriptione acquiritur. Eam enim à superi-  
 ori tolli posse, hanc non item. *arg. l. ult. C. de testam.* Obijciunt  
 nonnulli, principem æquè præscriptionem tollere posse ac  
 consuetudinem; sed ur̃i Ius præscriptione singulis acquisitum  
 auferre nulli valet, ita nec in ejus potestate esse, ulli quicquàm  
 adimere, quod consuetudine acquisitum habet. & per con-  
 sequens nullam esse quoad hoc Consuetudinis & præscriptio-  
 nis differentiam. 13. Consuetudinem esse favorabilem, cum  
 respiciat bonum publicum, præscriptionem esse odiosam. Obij-  
 ciunt tamen Ddres alij, etiam consuetudinem esse odiosam, si  
 contra Ius sit. 14. In Consuetudine non esse necessariam prin-  
 cipis scientiam, secus se rem habere, si Iuri principis per præ-  
 scriptionem derogandum sit. At obijci licet, uti in præscrip-  
 tione ex diuturni temporis usu scientia ejus, qui imperat, mo-  
 dò sit præsens, præsumitur. Bartolus *ad l. 2. C. de servit. & ag. &*  
*quidem, si usus non sit violentus clandestinus vel precarius:* ita  
 quoque in principe, quando consuetudo introducit, obti-  
 nere præsumptam scientiam. Ex his patet differentias consue-  
 tudinis & præscriptionis hætenus enarratas vel incertas & dubijs  
 referas vel accidentales etiam, ipso Cravettâ hoc fatente, exi-  
 stere. Bartolus *ad l. d. quibus 32. n. 10. de LL.* ita breviter consuetu-  
 dinem à præscriptione distinguere conatur. Consuetudinem  
 dicit esse Ius ex usu & moribus eorum inductum, qui unico ex-  
 presso consensu quid statuere poterant, & nulli præjudicare, nisi  
 cui expressus consensus præjudicat; per præscriptionem verò in-  
 duci quandam acquisitionem Iuris, quam præscribens expresso  
 consensu pro se statuere non poterat. Negat itaque rectè dici,  
 civitatem habere merum imperium ex consuetudine, propterea  
 quòd illa solo suo consensu id introducere non poterat. Item  
 si nobilis Ius collectandi rusticos longo tempore acquisivit,  
 monet, id rectius dici ex præscriptione provenire, quàm ex  
 consuetudine. Veramenimverò assumptio hoc Bartoli funda-  
 mento, quid quæso universalis consuetudo in Monarchijs à  
 præscriptione differet? Nam subditi solo consensu suo nec in

Statu monarchico nec oligarchico simplici legem condere possunt. Aliam differentiam idem Bart. habet ad tit. C. *Quæ sit long. consuet. n. n.* Quod consuetudo sit Ius disponens ex consensu totius populi vel maioris partis universaliter constitutum; præscriptio verò sit Ius dispositum, quo quaruntur Iura formata ex consensu singulari inductum: Hinc deducit, consuetudinem alijs præjudicare, quod in ea singuli consentiant ut universi, præscriptionem inter alios non præjudicare, quod in ea non ut universi, sed ut singuli consentiant. Covarruvias *Relect. c. possessor. de Reg. Iur. in 6. §. 3. de Iurisd. præscript.* hanc inter præscriptionem & consuetudinem differentiam præcipuam & ad eas distinguendas sufficientem esse tradit, quod sc. consuetudo ex communi & promiscuo usu Ius constituat & acquirat omnibus ejus regionis civibus, nec alicui specialiter profit vel noceat; præscriptionem verò præscribenti utilitatem & Ius acquirere, & contra quandam privatum ejusque commodum dirigi. Sed potest Covarruvias idem obijci quod supra Cravetta *diff. 2. Ddribus ex l. venditor 13. §. 1. comm. præd.* obijcere dicebatur. Hæc de temporis diuturnitate disputari solent. Haud minoris difficultatis est ea questio, quot actus ad consuetudinem introducendam requirantur. Alij duos sufficere putant, alij negant, propterea, quod duo actus non possint dicifacere frequentiam. Vnde id Iudicis arbitrio relinqui volunt, qui ex naturâ negotiorum determinet, quot actus necessarij sint. Roch. de Curt. *tr. de consuet. col. 81. n. 189.* Menoch. *de arb. Iudic. quest. lib. 2. cent. 1. cas. 81.* His tamen illi iterum obijciunt, quod frequentia actuum per se necessaria non sit ad consuetudinem, sed ex accidenti, quatenus inde consensus colligi potest. Quorum sententiæ iterum obijci solet. *l. nemo. 3. in fin. C. de episc. aud. l. item Mela. n. pr. ad L. Aquil.* Sed ad hanc respondent, consuetudinem ibi sumi pro assuefactione. Licet ergo in assuefactione actuum frequentia necessaria sit, duos tamen ad consuetudinem sufficere actus, modò tales sint, ut ad noticiam populi pervenire potuerint, multi Ddtrum tradunt hanc solum ob causam, quod per unum actum consensus populi non bene colligi possit. Idque & in judicijs receptum esse testatur Bartolus *ad tit.*



*C. Quæ sit longa Consuet. n. 12. Gail. lib. 2. observ. 31.* At si uno actu colligi consensum populi posse accadat? Respondet idem Bare, fictionem legis tollere contrarium, populum enim non censi consensisse, nisi frequentia actuum accesserit. Atque ita ex mente practicorum non aequè mores sunt causa productiva consuetudinis, ac consensus populi. Unde & quidam dicunt, mores causam esse mediatam & remotam, consensum tacitum causam proximam & immediatam. Præter quatuor substantialia, quæ Mynsingerus consuetudini attribuit, nonnulli & requirunt iudicium contradictorium *l. cum de consuetudine 34. ff. de LL.* Quod tamen admittere nolunt, qui tacitum populi consensum præcipuum constituens consuetudinis faciunt. Dicunt enim aequè per extrajudiciarios actus ac iudicia-rios eundem declarari posse. Et nonne dabitur progressus in infinitum, ut nunquam introduci possit consuetudo, si pro omni iudicium contradictorium exigitur? In quatuor ergo enarratis subsistendum esse videtur: actuum frequentiam, tacito consensu populi, temporis diuturnitate & rationabilitate. Cum hæc usque, quæ circa priora substantialia consuetudinis dubium parere possunt, proposuerimus; restat ut de ultimæ rationabilitate nim. quid dicamus. Debere autem consuetudinem esse rationi consentaneam fortasse nemo dubitat; unde autem dijudicari debeat, quam sit recta rationi consentanea nec ne, nondum satis constat. Nonnulli id inde petunt, quod omne ius finem debeat habere aut felicitatem æternam, quale est ius divinum, aut summum hujus vitæ bonum. Illas ergo consuetudines rejiciendas dicunt, quæ ad neutrum horum finium tendunt. Verum cum S. Bonum optimæ tantummodo Reipubl. finis sit, cujus se, gratiâ tota est, unde futurum sit, ut consuetudo omnis cum Iure naturæ præcisè incidat; id nonnulli in consuetudine attendi nolunt, eamque omnem valere debere dicunt, quæ peccatum non inducit; adeoque consuetudini tribuunt vim iuri positivo, gentiû & naturali detrahendi vel addendi, non penitus tamen hoc tollendi Raüchb. *part. 1. quæst. 15. n. 8. Carpzov. p. 3. constit. 38. def. 19. n. 5.* Exempla quibus ostendi potest, consuetudinem iuri communi derogare  
vid.

vid. apud Gail. *lib. 1. observ. 36.* Sed dum de his disputamus, ad effectus consuetudinis delabimur: de quibus & nunc quoque dubia quædam proponemus.

XVII. Tres præcipui effectus consuetudinis à Ddribus annotantur. 1. Ius novum introducere 2. Introductum abrogare. 3. legem dubiam interpretari. An hi effectus consuetudini in omni Reipubl. statu competant, meritò quæritur. Videtur enim Iulianus in *l. 32. de LL.* id soli attribuire democratico statui, in quo penes populum est ferendarum legum potestas. Quæ ergò erit vis in statu monarchico? an tunc habebit vim legis, si principum legibus nihil detrahat? & ita cessabit secundus effectus, aut an tantum habebit vim statuti? Idem de tertio effectu dicere poterimus, quòd in statu monarchico locum non habeat. Quamvis enim vis interpretandi consuetudini *l. si de Interpretatione 37. de LL.* tribuatur: id tamen, quoad popularem tantum statum procedere, iterum quis dicere posset, eà de causâ, quòd *l. 1. C. de LL.* interpretatio, quæ inter Ius & æquitatem interposita est, soli legislatori attribuitur. Si ergò in monarchico statu, quòd à tacito populi consensu proficitur, non habet autorem legislatorem, quomodo interpretandi ratio à consuetudine poterit dici dependere? Circa effectus consuetudinis & alia occurrunt dubia. Nam quæritur, an etiam consuetudo obliget impuberes, furiosos, minores. Circa impuberes & furiosos affirmativè respondet Bartolus *ad tit. C. Quæ sit long. consuet. n. 37.* propterea, quòd consuetudinis eadem vis sit, quæ legum. Sed obijcias, consuetudinem obligare propter tacitum consensum, qui in hisce personis nullus esse censetur, & per consequens, uti ex contractu, ita ex consuetudine nullam ad eos obligationem pertinere posse. Respondet Bartolus, diversam esse rationem in contractibus ac in consuetudine, illos enim ex voluntate contrahentium præcisè induci. Circa minores Bartolus distinguit, an ex talibus actibus consuetudo inducatur, ad quos minores admittuntur; an verò ex ijs, ad quos non admittuntur; hanc enim posteriorem consuetudinem illis non præscribere. Quæritur porro, an consuetudo à mulieribus inducta vim obligandi habeat.

habeat. Respondet Bartolus quòd sic, si rotus populus sciat, & tacite consentiat. At videntur & in ijs actus requiri, quorum consensus est necessarius: aut an in talibus personis, quæ ipsæ legem condere nequeunt, hæc dividenda sunt, ut in his sint actus, in imperantibus tacitus consensus? Et ita fortasse in monarchijs se res habebit, ut actus in subditis, tacitus consensus in imperantibus requiratur. Alia quæstio est, quam consuetudo pariat actionem. Respondet Bartolus, eam & realem & personalem actionem parere, & personalem vel cadere in nomen certi contractus; producique actionem ex contractu nomen & à consuetudine formam recipientem; quòd si nomine contractus non gaudeat, gigni conditionem ex consuetudine. Tandem quæritur, an omnes consuetudines eandem vim habeant, an verò distinctio facienda sit earundem, ut ratione diversarum consuetudinum diversi oriantur effectus. Dividunt autem Ddres consuetudinem in notoriam & non notoriam, hanc nullum effectum habere dicunt, nisi in libello allegetur & ab allegante probetur. *l. i. C. Quæ sit long. consuet. & hanc in totum 3. C. de adif. priv.* Ratione reddunt, quia consuetudo facti est, & facta non præsumuntur sed probantur. *cap. 1. de const. in 6. l. i. C. de probat. Mascard. de probat. vol. 1. concl. 423. n. 19. & seqq.* Videtur autem absurdum, consuetudinem non notoriam dicere: cum consuetudo fatentibus Ddribus nulla sit, nisi tacitus consensus majoris partis populi accedat: in quod verò plerique consentiunt, non potest esse incognitum. Quod ad LL. citatas attinet, loquuntur eæ de præditi- bus qui ab Impp. in provincias mittebantur, nec singularum civitatum mores cognitos habere poterant; magistratibus autem perpetuò in aliquâ civitate degentibus, uti & reliquis civibus non videtur consuetudo incognita esse posse; aut si probandam dicas, difficillimum & penè impossibile erit. Quomodo namque probabitur maximæ partis populi tacitus consensus? *Mascard. de probat. d. vol. 1. concl. 423. & seqq.* Pergunt autem quærendo Ddres, quòt testes requirantur ad consuetudinem probandam. Nonnulli duos sufficere existimant. *l. ubi numerus 12. de test. Mascard. d. loc. n. 13.* alij decem ad minimum exigunt; id quod & in Galliâ receptum esse testatur idem. *d. l. & Lovanij*



Perez in *C. Quasi sit long. consu.* An Ddri excellenti, qui de consuetudine testatur, sit credendum, graviter Ddres inter se disceptant. vid. insignem ab utrâque parte stantium numerum cit. apud *Cothm. vol. 1. Resp. 13. n. 56. & seqq.* Pro affirmativâ in Camerâ pronunciatum esse testatur Mynsingerus cent. 3. ob. 96. n. 4. Sunt tamen alij, qui cautè hac in reprocedi volunt, quia Ddri insigni de consuetudine loci, in quo semper versatus est, vel de Stylo curiæ, in quâ multos annos Ius dixit tantisper credi volunt; donec contrarium probetur. *Mascard. de probat. d. vol. 1. concl. 426. n. 11. & seqq.* Alij planè fidem plenam Ddri denegant; i. quòd consuetudo facti sit. c. 1. de const. in 6. facti autem quæstio etiam prudentissimos fallat. l. 2. de iur. & fact. ignor. nec ad legum peritos pertineat. Ad præjudicium Cameræ citatum ex Mynsinger. respondet *Cothm. d. Resp.* præjudicium illud esse de rebus inter alios actis, & de ijs, super quibus conceptum & pronunciatum est, nihil constare, adeoque nihil certi probare posse.

§ 10. XVIII. His difficultatibus perpensis, incidimus in quâdam speculationes, quas tamen non cum in finem, ut sententias in foro à Ddribus receptas impugnemus, sed ut alijs uberius meditandi ansam demus, nunc hîc enarramus. Extra dubium est, divisionem legum in scriptas & non scriptas à Græcis ad Romanos venisse, quod ex § constat. 3. & § non ineleganter. 10. h. satis manifestum est. Vnde *ibid. 13.* relati Ddres malè statuunt, apud Romanos peculiariter in usu fuisse, ut leges expresso consensu latæ in scripturam redigerentur, & inde leges latas à populo Ius scriptum vocatas. Nam & *Arist. Rhetor. ad Alex. cap. 2.* definit legem quòd sit *ἡ ἐκ τῶν κοινῶν, διὰ χρημάτων προτάσις τῶν κατὰ τὴν πόλιν ἑκάστη.* i. e. quòd sit conventio civitatis communis, quæ scriptis præcipit, quomodo unum quodque agendum sit. Cum enim *Arist.* non definiat legem Græcorum aut Romanorum, sed legem simpliciter, habeatque illas definitiones, quæ ab accidentibus communibus petuntur, pro vitiosis; necesse est, ex mente ejus, nec scripturam accidens legis, nec propterea leges latas Ius scriptum vocari, quòd in Romanâ vel Gracâ Republ. receptum fuerit eas literis mandari. Eandemque ob causam. *Bachovius* minus rectè Imperatorem ex duabus Graciæ civitatibus

bus 'duplicis Iuris, scripti sc. & non scripti originem petentem  
 reprehendit. Nec enim Ius Lacedæmoniorum Iuri scripto pro-  
 pterea annumerandum est, quòd à Lycurgo sancitum sit. Nam  
 præter Aristotelem & Iustinianum etiam id Plutarchus confir-  
 mat, qui in *Lycurgo* dicit, eum leges non scriptas tulisse, idque  
 propterea, quia existimaverit, ea quæ ad felicitatem civitatis  
 pertinent, immobilia manere, si moribus & educatione civium  
 implantarentur. Non tamen & simpliciter in scripturâ qua-  
 rendam esse Iuris scripti & non-scripti naturam iterum arguit  
 Arist. *lib. 3. polit. c. 16.* quando τοῖς κατὰ γράμματα νόμοις contradistitit  
 guit ea quæ sunt κατὰ τὸ ἔθῳ. Ius ergò non-scriptum eadem est,  
 quod ex assuefactione dependet. idque & Iuri Romano conve-  
 niens est, quod Ius non-scriptum longam, diuturnam, invec-  
 ratam consuetudinem vocat. Fortasse ergò licebit in naturam  
 Iuris non-scripti penitus inspicere, si quid consuetudo sit, in-  
 quiramus. Quod ut fiat, variæ proprietates ejusdem enarran-  
 dæ erunt: sunt autem quæ tribuuntur eidem ferè hæc, nim. quòd  
 mutatio ejus difficilis sit, non tamen æquè ac mutatio eorum,  
 quæ naturalia sunt. it. quòd naturæ similis sit. *Arist. lib. 7. Ethic.*  
*cap. 11. & lib. 1. Rhet. cap. 11.* Vnde vulgò dici solet, consuetudinem es-  
 se alteram naturam. Tribuit & hoc eidem Arist. *lib. 2. Eth. cap. 1.*  
 quòd aptitudini naturali succurrat eamque juvet, quò præcla-  
 rius postea singula secundum eam gerantur. It. quòd ijs, quæ an-  
 tea molesta erant, Iucunditatem addat *d. lib. 1. Rhet. cap. 11.* Ele-  
 gans quoque textus est. *lib. 2. Metaph. cap. ult.* ubi tradit Aristo-  
 teles, consuetudine dirigi nostrum Iudicium in veritate rerum  
 inquirendâ: prout enim cosuevimus, ita veritatem à præce-  
 ptore demonstrari debere existimamus. Quibus namque con-  
 suevimus notiora sunt. Vnde efficitur interdum puerilia & fa-  
 bulosa plus movere homines ad fidem faciendam, quàm accu-  
 ratæ demonstrationes. Leges quoque, quæ in moribus positæ  
 sunt, proprietates à scriptis legibus diversas habent. Nam ma-  
 joris autoritatis quàm leges scriptæ esse dicuntur. *d. lib. 3. polit.*  
*cap. 16.* Tacitus de Germanis ita loquitur: *plus apud eos boni mores*  
*possunt, quàm apud alios bona leges.* Confirmat id quoque Paulus  
*in l. 36. d. LL.* quando dicit, Ius non-scriptum magnæ authorita-

tis esse, cum in tantum probatum sit, ut non fuerit necesse scripto id comprehendere. Præterea leges scriptæ à consuetudine vim consequi dicuntur; non enim ex, ut ultrò pareant cives, impetrare possunt, nisi consuetudo accedat, quæ longò tempore paratur. *Arist. lib. 2. polit. c. 8. & lib. 5. cap. 9.* Phantasiâ de affectionibus consuetudinis factâ; ita veram ejus naturam investigabimus, si quo posito vel sublato affectiones illæ ponuntur vel tolluntur, attenderimus. Quòd si & dubijs *thes. 15. & 16.* propositis occurrere per id, quod invenerimus, licebit, eò minus de veritate dubitandum erit.

XIX. Antequam autem nostro ingenio quicquam committamus, tentandum erit, annon Aristoteles aliquid, quod nobis conducere possit, de naturâ consuetudinis tradiderit. Insignis est locus *lib. 1. Rhetor. cap. 10.* Vbi Philosophus causas eorum, quæ ab hominibus fiunt, numero septem enarrat. 1. fortunam. 2. vim. 3. naturam 4. consuetudinem 5. rationem 6. iram. 7. concupiscentiam. Ex consuetudine fieri quid sit, ita declarat: quod, quia sæpè fecerunt homines, faciunt. Verùm quamvis hæc definitio Rhetoricæ satis conveniens sit, & ad usum in eâ sufficiens; nobis tamen parum proderit, si affectionibus demonstrandis & dubijs decidendis eam applicaverimus. Nam nec de tempore, nec de ætium multitudine nec de cæteris Iudicium inde facere licet. Sit itaque CONSVETVDO PERFECTIO FACULTATIS OPERATRICIS, QUAE OBTINETVR PER MOTVS EIVSDEM AD SIMILES ACTVS FREQUENTER FACTOS. Fiunt ergò prout Aristoteles dixit, ex consuetudine ea, quæ, quia sæpè fecerunt homines, faciunt. Consuetudo dicitur jucunda reddere, quæ molestæ erant. *1. Rhet. c. 10.* Nam voluptas optimam functionem muneri comitatur. *lib. 10. Eth. cap. 4.* ad optimam autem operationem conducit, si facultas operatrix perfectionem quandam ex crebris actionibus sit consecuta. Nec latet amplius, quare *lib. 2. Ethic. cap. 1.* tribuatur hoc consuetudini, quòd aptitudini naturali succurrat. Nam definivimus consuetudinem perfectionem facultatis operatricis. Consuetudinis & hæc ponebatur affectio, quòd difficulter mutetur, licet non æquè firmiter inhæreat, ac id quod à naturâ inest. Nam voluptas cuique operat-



operationi propria studium operandi auget, incitatque operantes ad perseverandum in operatione. *Arist. lib. 10. Ethic. cap. 5.* Ea verò, quæ ex consuetudine fiunt, voluptas comitatur; uti antea demonstravimus. Cum ergò per adhzrentem voluptatem ij, qui ex consuetudine operantur, incitentur ad studium plura operandi: difficile est obtinere, ut abstinèant. Non tamen planè defunt remedia tollendi consuetudinem; quia per dolores voluptatibus illis occurrì potest, quos dum fugere student homines voluptatis obliviscuntur. At quæ naturæ ductu facimus, firmitiora his sunt, horumque principium non ita in nobis, quatenus homines sumus, potest dici existere.

XX. Quò verò in naturam consuetudinis magis penetremus; alio facto principio de ijs ex quibus actiones humanae proficiscuntur, aliquid dicturi sumus. Omne animal, quatenus appetitum est, eatenus sui est motivum. *Arist. lib. 3. de anim. cap. 10.* Appetitum autè animal sine phantasiâ non existit. Estq; phantasiâ vel cum solo sensu vel præterea cum intellectu conjuncta; hujus soli homines sunt partícipes, qui absente intellectu in actionibus aberrant. Intellectus practicus syllogismo munus suum absolvit, cujus propositiones duobus hisce innituntur bono sc. & possibili: Vt ergò consuetudo introducatur, necesse est & appetitum & intellectum practicû perfici quodâ modo. Nam facultas operatrix in homine ex his dyobus præcipuè constat. Intellectus per consuetudinem ulteriorem perfectionem consequi acquirit, quàm ut firma in ipso generetur opinio, adeoque operationes fiant ex notioribus propositionibus. Nam quibus assueti sumus, i. e. ex quibus propositionibus sæpius confecimus syllogismos practicos, eæ & notiores nobis sunt, fiuntque quasi axiomata quædam à naturâ nobis indita, quibus in scientijs utimur. Nam consuetudo quàm proximè ad naturam accedit, inde sæpè decipiuntur, qui philosophiæ operam dantes opinionem consuetudine receptam pro axiomate habent. Et cum intellectus magis perfectionem quoad opinionem, quàm appetitus respiciant, sequitur consuetudinis naturam, quatenus sub nostram hic contemplationem venit, potissimum consistere in quâdam opinione perfectâ. i. e. firmâ & non facîle mutabilî,

firmum enim & difficulter mutabile perfectio opinionis est. Quia  
ergo Ictis sit consuetudo, it. Ius scriptum & non scriptum ex his perspi-  
cere licebit. Nam si crebris actionibus aliqua opinio ita confir-  
mata sit, ut non facile ad aliam civitas vel tota, vel maxima e-  
jus pars dilabi possit, pro consuetudine debet haberi. Et Ius  
non-scriptum, non inde ita vocatur, quod in scripturam reda-  
ctum non sit; sed quia non indiget scriptura, propterea quod  
ab ipsis civibus observatur, & cum secundum illud operentur,  
ex factis ipsorum satis colligi potest. conveniunt hæc cum verbis  
Pauli in d. l. 36. de LL. qui Ius non-scriptum magnæ authoritatis  
esse dicit, hac de causâ, quod in tantum probatum sit, ut non fuerit  
necesse scripto id comprehendere. Ius ergo scriptum est, quod  
ne pereat, scripturâ indiget. Adeoque nec in solâ promulgatio-  
ne, nec in solâ scripturâ quærenda est utriusque Iuris differentia;  
sed in hoc, quod Ius scriptum non aliter quam scripturâ con-  
servari possit, Ius non-scriptum non indigeat scripturâ velut  
firma, quæ jam subditis inhæret, opinio. v. gr. Si ita firmiter  
credunt cives, uxori deberi hereditatem mariti, ac Deum esse  
colendum, parentes venerandos, & constanter secundum istam  
opinionem operantur; quid opus est Iure scripto? Patet præte-  
rea Bachovium sine causâ reprehendere Imperatorem nostrum,  
qui ex duabus Græcorum civitatibus Spartâ & Athenis origi-  
nem Iuris scripti & non-scripti petiit: Accidit enim Ius promul-  
gari, & tamen esse non-scriptum; si v. gr. crebris civium actio-  
nibus conciliatur in plerisque firma opinio & promptitudo quæ-  
dam appetitus secundum eam operandi. Id quod in Lacedæ-  
moniorum Iure satis est manifestum; quorum LLator hoc dedit  
operam, ut singuli cives ad ea, quæ præceperat facienda, ita as-  
suescerent, ne scripturâ opus esset. Intellexit enim Lycurgus,  
quod ab Arist. traditum *thes. 17.* enarravimus, leges scriptas à  
consuetudine vim consequi; adeoque Ius non scriptum scripto  
Iure præstantius existere. Quicquid enim secundum Ius scriptum  
solum operantur cives, ejus principium magis extra agentem  
est, & in vi coactivâ consistit. Ius verò non-scriptum ex civium  
dispositione quâdam præviâ dependet, probosque magis cives  
ob perfectionem facultatis operatricis reddit. Est præter hæc

nunc

nunc quoque obvium, quid respondendum sit ad dubium, an scriptura accedens consuetudini faciat ex jure non scripto, scriptum. Si enim cives operari secundum olim receptam opinionem dediscant, adeo ut denuò inculcanda ea veniat, & cum ex factis eorum ulterius cognosci nequeat, scripturam mandanda fuerit, desinit esse ius non-scriptum, licet quoad originem nomen illud retinere soseat. Constat quoque nunc, de quo *thes. 15.* dubitabatur, licet nulla consuetudo sine tacito populi consensu sit, non tamen eam in solo consensu tacito consistere, quia præter tacitum consensum & perfectio operatricis facultatis requiritur, quæ facit scripturam non opus esse. Et hinc rectè hæc epitheta eidem tribuuntur, quod inveterata, diuturna, longa, &c. dicatur; quia perfectio ex crebris motibus in similibus actibus acquiritur. Vnde & dubium de furiosis, impuberibus, minoribus *thes. 16.* propositum cessat; quia, uti dictum, non in solo consensu tacito consistit consuetudo. Rectè quoque statuunt, qui, quot actus, quotque anni ad consuetudinem requirantur, quæ de re *thes. 15.* dubitabatur, arbitrio Iudicis committendum esse volunt. Nam perfectio facultatis operatricis modo tardius modo celerius paratur, prout major vel minor in hominibus ad eam est aptitudo naturalis, quæ vel ratione rerum vel ratione personarum est distincta; nonnulla enim per se difficiliora sunt, nonnulla his vel illis magis vel minus talia existunt. Est quoque hoc perspicuum, quid consuetudo à præscriptione differat. Nam præscriptio vel jus acquirit alicui contra alterum, vel alterum ab actione repellit per tempus legibus definitum: at consuetudo per crebras actiones firmam opinionem & promptitudinem tribuit hominibus. Idque & dicere voluisse Ddres. patet ex multis differentiis *thes. 15.* enarratis.

XXI. Circa consuetudinis effectus hæc disceptabantur *thes. 16.* an sc. in omni Republ. iidem existant, sitque adeo vis consuetudinis semper eadem. Et in populari statu nullum est dubium, quin consuetudo ius novum introducere, introductum abrogare, & scriptum Ius interpretari possit: plus enim ibi potest, quam ius scriptum; quia maiorem vim habet firma populi opinio crebris acquisita actionibus, quam quod subito populo placeat:



placet. At in monarchico, aristocratico, & oligarchico statu, licet plus virium habeat consuetudo quàm lex scripta; quia exiguus legis scriptæ usus est, nisi consuetudine firmetur. *Arist. lib. 5. polit. c. 2.* non tamen tantæ autoritatis esse debet, ut vincat legem scriptam in salutem Reipubl. vel omnium civium latam. Adeoque & nemo securus esse potest in statu ejusmodi, se illud Ius in Iudicio obtenturum esse, quod consuetudo invexit, nisi vel multis annis præscripta sit, vel contradictorio Iudicio sit approbata. Quamvis enim ad naturam consuetudinis non pertineat Iudicium contradictorium, ne in infinitum procedatur uti *thes. 15.* dictum; nemo tamen allegando eam securus esse potest, se obtenturum quippiam; nisi noverit magistratum in eandem consensisse, & pro eâ in Iudicio pronunciasse. Idem obtinet, si consuetudo præscripta sit *cap. ult. de consuet.* Fingi enim & possunt subditi Ius contra magistratum tacentem & negligentem præscribere; non aliter ac privati contra privatos præscribunt. Quod mulieres attinet, quamvis & apud eas plus possit consuetudo, quàm bonæ leges scriptæ; non tamen tantum valere potest, ut occurrî, si vitiosa sit, eidem nequeat: sed quod de subditis in monarchico & oligarchico statu diximus, idem & in mulieribus cujusque Reipubl. obtinebit. Nam cum sint pars civitatis, debent & mores earum ad statum componi. *Arist. lib. 1. politic. cap. ult.* An consuetudo probanda sit, & quomodo, disceptatum quoque est *thes. 16.* Est autem consuetudo vel generalis concernens totam civitatem, & ea non indiget probatione; quia maximè parti civitatis familiaris esse debet. At si certa concernat collegia, vel certa hominum genera; audiendi sunt, qui in ijs collegiis vel societatibus quàm diutissimè vixerunt. Neque enim omnes omnia agunt, adeoque nec de consuetudine omnes sine delectu testari possunt: multa inter venatores, agricolas, piscatores, aucupes, mercatores per crebras actiones introducta sunt, quibus homines illi ita assuefacti sunt, ut ex ijs quasi naturalibus principiis suas instituunt operationes, quæ tamen reliquos homines extra hæc vitæ genera constitutos latent. Et ita fieri quoque potest, ut de rebus excellentibus credatur, si de stylo curia testentur, & de ijs, in quibus quotidie versati sunt. Verùm hæc  
conten-

contemplandi animo proposuimus: notum enim est, quid in foro obtineat ex doctrinâ Mynsing. *cent. 6. obs. 41.* & Gail. *lib. 2. observ. 31.* Coler. *de proc. execut. pars. 1. c. 3. n. 34. & seqq.* Roch. de Curte *in cap. cum tanto, de consuet. sect. 8.*

XXII. Restat dubium explicandum, cujus *thes. 13.* mentionem fecimus. An Ius naturale & gentium sint species Iuris non scripti: id enim Cic. *part. orat. circ. fin.* statuit, & ante eum Aristoteles *Rhetor. ad Alexandr. cap. 2.* quando legibus Ius commune contradistinguit; qui tamen aliter loquitur *lib. 1. Rhetor. cap. 3. inist.* quando legem distinguit in propriam & communem; propriamque definit singulis definitam inter ipsos, eamque aut non scriptam aut scriptam; communem verò secundum naturam. Contradistinguitur & præterea Ius scriptum æquitati *l. 1. C. de LL.* Hinc colligimus Ius non scriptum dupliciter sumi; laxius pro omni eo, quod Iuri scripto contradistinguitur, sive sit naturale, sive legitimum; & strictius pro eo, quod speciem Iuris non naturalis constituit. Idque ex nostris fundamentis manifestum est, quando Ius non scriptum definivimus, quod scripturâ non indiget ut ad posteros propagetur & conservetur; scriptum contra. Cum enim Ius omne vel naturale sit vel legitimum seu voluntarium; illud natura conservat, dnm hominibus aptitudinem ad ratiocinandi principia, quibus per demonstrationes sibi scientiam illius parare possunt, largitur. At voluntarium Ius ab hominum placito & arbitrio dependens alio modo conservari nequit; nisi vel populus eo modo facultatem operatricem crebris exercitijs instruat, ut desistere ab operando non facillè possit: ita enim in ipsis operantibus conservabitur, & per eos ad posteros propagabitur. Quod si id obtineri non potest, sintque adhuc cives ita animati, ut malint ab operando abstinere, quàm agere; scripturâ opus est, quâ quid faciendum sit hauriri possit. Laxius ergò sumptum Ius non scriptum duplex est, naturale, & voluntarium, cujus utriusque affectiones hîc traduntur; prius enim immu-

dari: facilimè enim scripta Iura mutantur, minus facilè Ius non scriptum voluntarium à solâ consuetudine dependens; minimè omnium, quod à naturâ est. Patet etiam ex nunc enarratis, quomodo Ius naturale dicatur immutabile, licet multi homines sint, qui aliud Ius sibi fingant à naturali recedens: manet namque quoad principia, quæ nobis natura suggerit, & modum demonstrandi idem semper: cum natura non uno aliter ac altero tempore hominibus ista suggerat: secus est in eo quod à voluntate humanâ solâ dependet. Et quamvis consuetudine introductum firmitus sit eo, quod scripturâ indiget, respectu tamen Iuris naturalis mutabile est, uti suprà docuimus.

XXIII. His de Iure non scripto tractatis, causas specierum Iuris scripti *thes. 14.* enarratarum inquirere juvat. Idque ut commode fiat, conveniens erit, mutationem Reipubl. Rom. brevibus in memoriam revocare. Prima civitatis Romanæ ætas sub regibus septem fuit, quorum postremus Tarquinius nomen superbi ex moribus adeptus. Cum enim hic neque populi Iussu neque autoribus patribus imperaret, adeoque in caritate civium nihil spei reponere posset; metu regnum tutandum esse existimavit; quem ut pluribus incuteret, cognitiones capitalium rerum sine consilijs perse solus exercuit, non suspectos modò & invisos, sed unde nihil aliud quàm prædam sperare posset, occidendo, in exilium agendo, bonisque multando. Morem de omnibus Senatum consulendi à prioribus traditum primus ille solvit, domesticisque consilijs Rempubl. administravit. Hoc tyrannicum ipsius imperium populus Romanus tamdiu perpeffus est, donec libido aberat, tam nefariam enim ex liberis tyranni importunitatem tolerare non potuit; sed stupratâ Lucretiâ imperium Tarquinio abrogavit, exulemque eum filiosque ejus esse iussit. Mutata inde est Reipubl. forma: ex perpetuo enim magistratu annuus, ex singulari duplex est factus; legumque major quàm imperantium autoritas. Libertas populi summa lex esse & in democratiâ paulatim status abire cœpit, cum Valerius, vocatus



cato ad concilium populo, summissis fascibus in concionem ascendit, grato multitudini spectaculo, summissa sibi esse imperij insignia, confessionemque factam, populi quam Consulis Majestatem vimque majorem esse. Nondum tamen mera reddita est democratia, cum superiores magistratus soli patritij gererent, senatusq; illorum, quæ ad τὸ κρείον pertinent, auctor esset, populus ea juberet. Leges ergo tunc ita latæ sunt, ut auctor esset Senatus, easque senatorius magistratus à populo rogaret, populus juberet. Mutatâ autem Republ. uti fieri consuevit, nihilominus ex pristina formâ definitio legis retenta fuit. Et hæc ratio est, quare lex ab Imperatore ita definiatur.

XXIV. Incensum cupiditate libertatis plebis animum non leviter offendit, quod patritij fœneratores in terga plebeiorum, qui solvendo non existerent, serviliter favirent; & in secessionem trans Anienem amnem à plebe factâ in conditiones concessum est, ut scilicet tribuni plebis crearentur, qui auxilium eidem adversus consules ferrent. Quæ tamen tribunitia potestas seditionum omnium mater existit. Specie enim plebis tuendæ, cujus in auxilium facti erant, re autem dominationem sibi acquisiverunt, studium populi ac favorem agrarijs, frumentarijs, iudiciarijs legibus aucupantes. Auditæ quoque mox querelæ, consulares fasces, prætextam curulemque sellam pompam funeris esse, magistratus claris insignibus velut infu-  
lis velatos ad mortem destinari, nisi omnia ad nutum imperiumque tribunorum fiant. Tribuni contra superbiam patrum & consulare imperium nomine tantum minus invidiosum, reipsâ atrocius quam regiùm esse criminabantur: duos quippe pro uno dominos acceptos immoderatâ & infinitâ potestate, qui soluti atque effrenati ipsi omnes inerus legum omniaque supplicia in plebem verterent. Petitæ mox à Græcis leges, creatique, qui eas curarent, decemvirî magistratus sine provocatione. ita Consulibus abrogatis, cessante quoque tribunitiâ intercessione iterum mutata est Respubl. Decem regum species erat, multiplicatusq; non plebeijs modò, sed &

verti cœpisset, illato simul ab Appio stupro virgini ingenuæ:  
abrogatum est decemviris imperium, tribunorum verò po-  
testas resuscitata magis ac magis crevit. Matrimonia plebeio-  
rum cum patitijs, honorum & magistratuum consortium  
invitis iisdem extorta: Iura quoque plebeij inter se constitue-  
runt tribunis rogantibus, quibus tandem lege Hortensia vis  
addita, ut non modò plebeios sed & patitios & ita omnes  
omninò Quirites obligarent. Quà de re eleganter Cælius  
ex Lælio Felice *lib. 5. Noct. cap. 26.* TRIBUNI AUTEM, inquit,  
NEQUI ADVOCANT PATITIOS, NEQUE AD EOS ULLA  
DE RE REFERRE POSSUNT: ITA NE LEGES QUIDEM  
PROPRIE SED PLEBISCITA APPELLANTUR, QUAE  
TRIBUNIS PL. FERENTIBUS ACCEPTA SUNT, QUIBUS  
ROGATIONIBUS ANTE PATITII NON TENEbantUR, DO-  
NEC Q. HORTENSIIUS DICTATOR EAM LEGEM TULIT,  
IURE, QUOD PLEBS STATUISSET, OMNES QUIRITES  
TENERENTUR. Ex his patet ratio secundæ speciei Iuris  
scripti, quòd nim. nata sit ex ratione democratici status: &  
quamvis plebiscita æqualem vim ac reliquæ leges à toto po-  
pulo lata habuerint, unde Cic. ea tribunitias leges vocat;  
plebiscitorum tamen nomen retinuerunt, relicto legum no-  
mine ijs, quæ consulares leges eidem Cic. dicuntur.

XXV. Sub hoc tam gravi seditionum pondere nihilo-  
minus ita crevit Romanum Imperium, ut facilè majus, quàm  
ut ullis externis viribus extinguì posset, evadere potuerit, nisi  
semetipsum in suum exitium porrò armasset. Post gravissimas  
namque, quas Marij, Syllæ, Catilinæ seditionibus perpeßum  
erat, tempestates Cæsaris furor atque Pompeij illud quasi quo-  
dam diluvio & inundatione corripuit. Pompeio suspectæ opes  
Cæsaris, & Cæsari Pompeiana dignitas gravis. Nec hic ferebat  
parem, nec ille superiorem. Sic de principatu laborabant,  
tanquam duos tantæ imperij fortuna non caperet. Prima civi-  
lis belli arena Italia fuit; inde se in Galliam Hispaniamque  
reflexit; reversumque ab occasu, totis viribus in Epiro Thessa-  
liæque confedit; hinc in Ægyptum subito transiit; inde  
respexit

respexit Asiam, inde Africa incubuit; postremò in Hispaniam migravit, & ibi aliquando destitit. Exstitit Cæsar victor, à Civibus Romanis postquam in patriam redisset, perpetuus dictator & pater patriæ renunciatus, mox concitante senatum invidiâ in curiâ tribus & viginti vulneribus ad terram datus est. Pompeio & Cæsare trucidatis, in statum pristinae libertatis redisset populus Romanus, nisi aut Pompeius liberos aut Cæsar hæredes reliquisset. Pervenit verò tandem post gravissima bella peracta summa rerum ad Octavium Augustum, qui cuncta discordijs civilibus fessa nomine principis sub imperium accepit: is posito triumviri nomine, consulem se ferens, & ad tuendam plebem tribunicio iure contentum, ubi militem donis, populum annonâ, cunctos dulcedine otij pellexit, insurgere paulatim, munia senatus, magistratuum, legum in se trahere nullo adversante. Neque provinciâ illum rerum statum abnuebant, suspecto Senatus Populique imperio, ob certamina potentium & avaritiam magistratuum; invalido legum auxilio, quæ vi, ambitu, postremò pecuniâ turbabantur. Verso ergò civitatis statu nihil usquam prisca & integri moris, omnes exutâ æqualitate iussa principis aspectare. Dio lib. 37. ita ait: *omnia se sententiâ Imp. aguntur, quod ne videantur ex potentia potius quam legibus habere. ea, quæ in populari formâ multum valuerunt, Senatus Populoq. volentibus cum ipsis nominibus in se recipiunt.* Callidis hisce commentis & hoc annumerandum, quòd Augustus ICtos voluerit ex suâ autoritate de iure respondere, horumque responsa vim legum habere, ut nulli Iudici ab iisdem recedere liceret. Et hæc fuit causa Responsorum. Postquam excessit Augustus, Tiberius rerum potiri cepit. translata tum primùm è campo comitia ad patres. Nam ad eam diem, etsi potissima principis arbitrio, quædam tamen studiis tribunum peracta sunt, neque populus adeptum jus questus est, nisi inani rumore. Plebs nihil mali à Tiberio velut tribuno pl. metnere, (fungebatur enim perpetuâ potestate tribunicia) senatus contra ipsum nihil statuere poterat; Consulibus, patribus, equitibus in servi-



ad evitandam invidiam populi non leges vocabantur, sed SCtorum nomen retinebant. Et ita quæ causa SCtorum fuerit constat. Quid verò de illâ lege Regiâ sit sentiendum ex his porro patet: sanè diu visi sunt Imperatores non propriam sed populi causam agere, quod præter supra cit. l. 1. ad L. Iul. Mai. testatur Ælius Lampridius in vit. Alex. Sever. quando narrat, Severum conciones in urbe multas habuisse more veterum tribunorum & consulum, & Hadrianus Imper. inconcione & senatu ab Ælio Spartiano fertur sæpè dixisse; ita se Rempubl. gesturum, ut sciret populi rem esse non propriam. Reverà tamen id egerunt, ut summam potestatem in se traherent. An verò ejusmodi hominibus legum ferendarum potestas concedendæ sit, quæstio politica est. Solatio est ejusmodi statui quod differit Ælius Lampridius in Alexandr. Sev. Rempubl. meliorem esse, in quâ princeps malus est, eâ, in quâ sunt principis amici mali: siquidem, ut ille ait, unus malus potest à plurimis bonis corrigi; multi autem mali non possunt ab uno, quamvis bono, ullâ ratione superari. Eâdem calliditate Imperatorum fracta quoque & debilitata est prætorum potestas, quæ, liberâ Republ. magna erat. Nam & adjuvandi & corrigendi Juris civilis gratiâ nova Iura introducere potuerunt. l. Ius autem. 7. §. 1. de Inst. & Jur. Plus enim in Iurisdictione quàm in solâ fuisse interpretatione testatur Ulpianus l. nam ut ait. 13. de LL. Duo autem Romæ Idictioni præerant Prætores, Urbanus alter, alter peregrinus. De utriusque officio ita Cic. lib. 3. de LL. scribit: Iuris disceptator, qui privata Iudicet Iudicarive jubeat, prætor esto: is juris civilis custos esto; huic potestati parento. Vim ergò legibus de negotiis civilibus præcipientibus addere poterant. Hinc idem Cic. Videtis igitur, inquit, magistratus hanc esse vim, ut præstet, præscribatq; recta & utilia & coniuncta cum legibus: ut enim magistratus leges, ita populo præstent magistratus: verèq; dici potest, magistratum legem esse loquentem, legem autem mutum magistratum, quò forsâ respexit Martianus, quando l. 8. de Inst. & Jur. ait: Ius honorarium esse vivam vocem Iuris civilis. Sed cum prætores suâ istâ potestate abuterentur, Cornelius Sylla, teste Asconio, multis invitis le-

gem

gem tulit: ut prætores ex edictis suis perpetuis Ius dicerent: unde Cic. Verri objicit, quòd interdum ex Edicto suo Ius non dixerit. Proponere enim initio magistratura sua Edicta, sed ob legem Syllæ mutare non poterant. Imperatorum verò tempore, uti omnium magistratum, ita & prætorum potestas imminuta est; idque ab Augusto statim factum videtur, quando legatos suos, quos in provincias misit, prætores vocavit, adeoque sibi tacite nomen prætoris arrogavit. *Dio lib. 53. De Tiberio Tacitus lib. 1. annal. c. 74.* ita loquitur: *Nec patrum cognitionibus satiatus, iudiciis assidebat in cornu tribunalis, ne prætorem curuli depelleret: multaq; eo coram adversus ambitum & potentium preces constituta, sed dum veritati consulitur, libertas corrumpatur.* Idem Tacit. *lib. 4. annal. cap. 6.* SUIA, inquit, CONSULIBUS, SUA PRÆTORIBUS SPECIES. Tandem Hadriani tempore omnis prætorum potestas perijt, quando ex Edicto perpetuo Ius dicere coacti sunt, factumque ita, ut cùm Edicta prætorum autoritate Impp. munirentur, vim legum consequerentur. Eaque de causâ Iuris scripti partibus annumerantur.

XXVI. Omne Ius privatum vel ad personas vel ad res vel ad actiones pertinere dicitur. Hanc distinctionem Bachovius putat inde deduci posse, quòd Iurisprudentiæ finis sit administratio Iustitiæ: administrari autem Iustitiam personis super & de rebus, & hoc per remedia quæ sunt actiones. Rectè verò, contrà quàm sentit Bachovius, disputat Hottomannus, quare cùm finis legum sit salus Reipubl. hac divisione Iuris Imperator utatur. Nos ergò dicimus ommissis Iudicijs publicis maximam partem ea continentibus, quæ ad Iustitiam universalem pertinent, hinc Iuris illius divisionem susceptam esse, quod ex Iustitiâ particulari dependet. Cùm ergò omnis Iustitia particularis vel in distribuendo & retribuendo vel in corrigendo versetur; ac in distribuendo retribuendoque semper duæ & res & duæ personæ concurrant, necesse est de personis prins dici,

g. ult.

acquiri retineri vel amitti Iustè solent & debent. Tandem  
verò; quia & ad Iustitiam particularem ea pertinet, quæ cor-  
rectiva vocatur: obtinemus verò Injusti correctionem per  
actiones, etiam tertio loco de actionibus dicendum est.  
Movet dubium celeberrimus Iustus Vulteijs de ijs, quæ ad ius  
personarum pertinent. Nam ad illud & vult referri obligatio-  
nes tanquàm personæ inhærentes. Cui obijciunt alij, quod ob-  
ligationes personæ inhæreant ratione debitorum: eas autem  
magis respectu creditorum considerandas esse, à quibus acqui-  
runtur & alienantur: sed alienari & acquiri solita Iuris perso-  
narum non esse, cum ad statum pertineant, qui in libertate  
civitate & familiâ consistit. Est & aliud argumentum quo con-  
tra eundem utuntur Vulteijs. nim. quod ex ratione illius se-  
queretur, etiam servitutes personales Iuris personarum esse.  
Verùm hæc tanta non esse videntur, ut dubium Vulteijs solidè  
tollant: si dicamus, non modò respectu debitoris sed & credi-  
toris obligationes Iuri personarum annumerandas esse: &  
quamvis obligationes sub commercium cadant, hoc tamen fir-  
mum principium non esse sententiam illam evertendi; quia  
contra ius naturæ non est, venalia existere, quæ ad ius persona-  
rum pertinent. Quod de statu hominum allatum est duplici  
laborat difficultate. Nam dubitari primum potest, an sola ea  
sint Iuris personarum, quæ ad statum pertinent; deinde, quare  
status in his tribus subsistat. Concedamus etiam porro, servi-  
tutes personales ad ius personarum pertinere: quid inde seque-  
tur absurdi? At dices, referri servitutes ad res incorporales.  
Responderi potest, etiam ius obligationis sub ijs comprehen-  
di; nihil tamen contra thesin hæc facere, cum & Iura in ser-  
vos competentes incorporales sint. Verùm de —

his seq. disputatione pluribus  
dicetur.

F I N I S.

